


蓮宗寶鑑


六之十終



漢書門			
類	號	函	架
10037	七	三	一
二冊			

內閣文庫			
類	號	冊	函
10037	七	三	一
二冊			

內閣文庫		
番號	漢	10037
冊數	2 (2)	
函號	310	146





蓮宗寶鑑卷第六念佛正行

念佛正行說

夫常光界本無色象。有應則形。菩提道既闢。要途非行不至。維摩經云。五百長者子。寶積白佛言。我已發阿耨多羅三藐三菩提心。願聞得佛國土清淨。願說菩薩淨土之行。佛言。寶積。衆生是菩薩淨土。肇法師云。至人空洞無象。應物故形。形無常體。况國土之有常乎。蓋群生萬端。行業不同。殊化異被。致令報應不一。是以淨者應之以寶玉。穢者應之以砂礫。善惡自彼於我無定。無定之土。乃曰真土。然則土之淨穢繫

淺草文庫



乎衆生故曰衆生之類是菩薩淨土也夫如來淨土者以無方爲體故雜行衆生同視異見異見故淨穢所以生焉無方故真土所以形焉若夫取其淨穢者衆生之報也本其無方者佛土之真也豈曰殊域異處凡聖二土然後辨其淨穢哉道生法師曰淨土行者行致淨土非造之也若欲造於土者衆生類矣容以濫造不得不先明造本以表致義然後說行羅什法師曰寶積問淨土之相世尊答言衆生是菩薩淨土者蓋說果上之因也清涼國師云諸佛心內衆生新新作佛衆生心中淨土念念證真經云菩薩隨所化衆生取於淨國土爲饒益諸衆生故譬如有人欲於空地造立宮室隨意無礙若於虛空終不能成菩薩如是爲成就衆生故願取佛國非於空也當知直心深心大乘心是菩薩淨土肇法師云土之淨者必由衆生衆生之淨必因衆行行淨則衆生淨衆生淨則佛土淨此必然之理不可差也土無滂曲乃出於直心故曰直心是菩薩淨土直心調質直無諂此心乃萬行之本生法師曰樹心種德深固難拔深心也乘八萬行兼載天下不遺一人大乘心也此之三心

始學之行也。欲弘大道。要先直心。心既真直。然後入行能深。入行既深。則廣運無涯。此三心爲之次序也。備此三心。次脩六度。以至萬行。什法師曰。直心者誠實心也。發心之始。在於誠實。道識彌明。名爲深心。正趣佛慧。名大乘心。經云。布施持戒。忍辱精進。禪定智慧。是菩薩淨土。四無量心。四攝法。是菩薩淨土。方便是菩薩淨土。三十七品。是菩薩淨土。迴向是菩薩淨土。十善是菩薩淨土。如是寶積菩薩隨其直心。則能發行。隨其發行。則得深心。隨其深心。則意調伏。隨意調伏。則如說行。隨如說行。則能回向。隨其回向。則有方便。隨其方便。則成就衆生。隨成就衆生。則佛土淨。隨佛土淨。則說法淨。隨說法淨。則智慧淨。隨智慧淨。則其心淨。隨其心淨。則一切功德淨。什法師曰。直心以誠心而信佛法也。信心既立。則能發行衆善。衆善既積。其心轉深。深心堅固。則不隨衆惡。棄惡從善。名調伏心。心既調伏。則遇善斯行。遇善斯行。則難行能行。難行能行。則萬善兼具。萬善兼具。故能回向佛道。向而彌進。方便力也。方便之要有三。一善於自行而

蓮宗新考卷下
又二
不取相。二不取證。三善化衆生。具此三者則得淨土。土既清淨則衆生純淨。衆生純淨則與化主同德。故曰皆淨也。諸經皆廣說淨國之行。未明行之階漸。今此詮明至極深廣。不可頓超。宜尋之有途。履之有序。故說發行之迹。始于直心。直心卽是真心。此心者。群生誰不有之。蓋自迷而不知不覺也。故六祖大師云。一念平直卽是彌陀。一念邪險卽是衆生。蓋以人居濁世。現行無明。口說直心。行多諂曲。溺於苦海而不能出。是故佛慈愍彼。示之以方便。導之以念佛。伏彼亂心。令捨邪險而歸乎正直。卽衆生而生淨土。所以寶王論云。清珠下於濁水。濁水不得不清。佛想投於亂心。亂心不得不佛。是以因念佛而顯直心。因直心而行衆善。行衆善而得佛淨土。豈非佛祖之方便智力乎。肇法師云。積德者故淨心。心淨則無德不淨。生法師曰。功行卽淨土之殊勝因也。功德卽淨土之殊妙果也。淨土因果蓋是心之影響。故云。欲得淨土。必淨其心。所謂聲和響順。形直影端者矣。

脩進工夫

淨土唯心之說。旣已明矣。人皆知有。必須親到而後

已欲證此道當以正信爲入門以脩心爲正行正行者卽所施之功所行之行也此之功行名爲淨業卽往生西方之資糧也此之行業隨人所脩蓋一切人力量有大小機智有淺深所以行業不等上上根智人直下自悟識自本心見自本性卽是彌陀此則是如來無住無依最上乘境界萬中無一也其未能頓悟之人須是諦信淨土一心念佛漸次進脩仗阿彌陀佛願力攝持自己一念真實下工正如抱橋柱澡洗萬無失一也雖云念佛一門其實意含無盡是故祖師立教利鈍俱收有實有權有深有淺有頓有漸皆可脩持上根者參究坐禪中根者觀想持念六時脩禮日夜精專下至十念成功總在一心履踐各有行相次第階梯隨力行持皆可進趣此之行門乃成就佛果菩提之道路也須是自信自行自脩自度要在立大志發大願自辦工夫努力向前莫作容易譬如百二十斤擔子到臨時及節自家擔荷得去方爲了事決定不在會說會道廣化人緣上決定不在有傳有授扭捏做作上決定不在廣設道場多點香蠟上蓋由著事相而迷昧正理順聲色而違背真宗數他寶而自無半錢貨良藥而自疾不救是故遠祖師

蓮宗卷六
云得其趣者。若暗室之燃燈。失其意者。同滯指之迷
月。殊不悟無心。乃正動念。皆邪慧。日旋隱乎昏雲。客
塵轉翳乎心鏡。遂乃念慮交馳。情欲紛競。調伏不息。
止制猶繁。落無記者。徒滯於兀然。希有得者。便同諸
邪命。指置無從。難言正定。無期入於法界。未久處於
塵籠。凡脩淨土之人。灼然是要敵他生死。不是說了
便休。當念無常。迅速時不待人。須是把做一件事。始
得若也。半進半退。似信似疑。到了濟得甚麼邊事。如
何出離輪迴。若是信得及。便從今日去。發大勇猛。發
大精進。莫問會與不會。見性不見性。但只執持一句

南無阿彌陀佛。如靠著一座須彌山相似。搖撼不動。
專其心。一其意。或叅念觀。念憶念十念。或默念專念。
繫念禮念。念茲在茲。常憶常念。朝也念。暮也念。行也
念。坐也念。心念不空過。念佛不離心。日日時時。不要
放捨。綿綿密密。如鷄抱卵。常教暖氣相接。即是淨念
相繼。更加智照。則知淨土。即是自心。此乃上智人。修
進工夫如此。把得定。做得主。靠得穩。縱遇苦樂逆順
境界現前。只是念阿彌陀佛。無一念變異心。無一念
退惰心。無一念雜想心。直至盡生。未無別念。決定要
生西方極樂世界。果能如是用功。則歷劫無明生死

業障自然消殞。塵勞習漏自然淨盡。無餘親見彌陀。不離本念。功成行滿。願力相資。臨命終時。定生上品。其或力量未充。應須隨力脩習。未能專一。辦功亦要朝昏禮念。縱使家緣繁冗。無忘十念稱名。日日用心。猛着精彩。積功積行。發願發心。誓畢此生。同登淨域。可謂水須朝海去。雲定入山歸。

資生助道

在家菩薩。念佛高流。日赴檀信之齋。坐享人天之供。皆非常道。不若治生有意。脩行豈妨作務。或田疇佈種。或市井經營。或富有家資。或日求升合。應思勤則不惰。儉則有餘。以此脩身。方為佛子。若也奢華懶惰。生事蕭條。雖欲脩行。不可得也。信知治世資生。皆順正法。工巧伎藝。饒益群生。欲脩淨業。正因當以資生助道。所以潭州黃老。常打鐵以脩行。居士龐公。賣菴籬而養道。喻彌陀畫像為業。戴佛庵發燭資身。可謂一日不作。一日不食矣。

作福助緣

有淨業弟子。問白蓮慈照導師云。弟子專脩念佛三昧。可得用布施持戒。供養作福否。師荅曰。汝能專念彌陀。若不持戒。則有毀犯罪。若不布施。則長慳貪業。

若不供養三寶。則有我慢業。若不恭敬一切。則有輕人罪。是故毀犯。卽墮地獄。慳貪。卽墮餓鬼。我慢。則常在惡道。輕人。則世世貧賤。似此惡業。障蔽欲生淨土。其可得乎。如此念佛之人。譬如旱田。栽穀。欲望收成。不可得也。故肇法師云。有爲雖僞。棄之則佛道難成。無爲雖真。執之則慧性不朗。汝今欲脩念佛三昧。得生淨土。速成佛果。菩提者。須是專以念佛爲正行。更以福德爲兼脩。晨夕常勤。供養三寶。禮拜懺悔。布施持戒。潔白三業。增助淨緣。諸惡莫作。衆善奉行。所脩一切善根。悉皆回向淨土。成就念佛功德。速證菩提。可謂順水行船。更加艣棹矣。

去惡取善

淨土十門教誡云。脩淨土人。須是去惡取善。方得成就功德。若人雖念彌陀。嫉妬心盛。名聞尖刀。臨終風刀解身。百骸疼痛。或言我能持戒。他不能行。傲慢師僧。輕毀一切。現生折福短壽。勞病吐血而亡也。若念佛之人。塵垢未淨。惡念起時。須自檢點。或有慳貪心。嗔恨心。癡愛心。蛆妬心。欺誑心。吾我心。貢高心。諂曲心。邪見心。輕慢心。能所心。及諸逆順境界。隨染所生。一切不善之心。設或起時。急須高聲念佛。歛念歸正。

勿令惡心相續。直下打併淨盡。永不復生。所有深信心。至誠心。發願回向心。慈悲心。謙下心。平等心。方便心。忍辱心。持戒心。喜捨心。禪定心。精進心。菩提心。及一切善心。常當守護。更要離非梵行。斷惡律儀。鷄狗猪羊。慎毋畜養。畋獵漁捕。皆不應為。當知極樂國內。諸上善人。良由捨棄惡緣。循行善業。獲生淨土。不退菩提。念佛之人。當隨佛學。應以去惡取善為鑑。誠焉。但能依此脩持。是為淨土正行。可謂無限野雲風掃。盡一輪明月照天心。

拔濟幽趣

釋子沙門。在家菩薩。既脩西方淨業。當運廣大慈悲。如法進脩。善隨佛教。明因識果。鑒是別非。集出世間福智資糧。圓大丈夫等妙功德。是故釋尊再四教誡。我諸弟子。隨所住處。當施法食。濟諸法界。一切有情。除彼饑渴極苦。化令同趣菩提。若不施食。無慈悲心。非吾弟子。是惡徒眾。經有明文。詳觀一切眾生。不了自性。慳貪嫉妬。嗔恨愚癡。於人天鬼畜之中。地獄脩羅之內。饑渴焦燥。愁憂苦惱。冥冥長夜。求出無期。以理推之。無非宿生父母。如佛所說。皆是累劫怨親。是以運觀音之慈悲。脩普賢之行願。誓同拔濟。悉脫沉

淪有力者脩齋設供。無力者呪食施生。施食殊功。廣大無量。具足妙利。言莫能窮。略舉數端。普告賢者。施心一發。妙行全彰。具足三檀。圓脩六度。利他自利。自覺覺他。善集出世福智。未作淨土資糧。廣植慈基。圓成體用。乃至埋藏枯骨。掩瘞暴屍。普為幽魂。代伸懺悔。橋梁義井。通濟往來。飲食錢財。隨力惠施。每見貧窮凍餒。痛切悲憐。至於孤老癯殘。倍加慈念。常存利濟。曲盡真慈。凡脩一切善根。盡願眾生成佛。以茲勝利。回向西方。普冀有情。同登覺岸。是以蕭梁武帝脩水陸之儀。三藏不空。有濟孤之法。可謂一雨周沙界。群心未夜。蘇

放諸生命

欲趣菩提。慈心為本。凡脩淨業。濟物為先。觀夫飛禽走獸。水族遊鱗。或掛網羅。或拘籠檻。穿腮反翼。繫足倒懸。將臨湯火之間。欲赴刀砧之上。憂悲恐懼。變憎憶惶。望雲漢以魂消。憶林泉而膽碎。雖知萬死猶冀。一生顧盼。哀鳴以求救拔。所以佛子悲憐。抽財贖命。開籠釋檻。斷縛解懸。施水焚香。合掌呪願。法施事畢。安詳放之。或縱陂池。或齋林野。皆由佛道。展演悲心。乃至上及人倫。下霑螻蟻。但能救死。無不放生。既乃

放生自然長命。因茲勝利。回向西方。普願衆生。同成佛道。所以長者活魚。沙彌救蟻。鄭昌圖焚燒罟網。禪師建立生池。楊寶之療病雀。敏仲之投鰕蜆。元祖師有頌戒殺。滿禪師說戒放生。可謂慇懃爲解丁香。結放出枝頭自在春。

六度萬行齊脩

六度者。布施持戒忍辱精進禪定智慧。六波羅蜜也。若念佛人。專脩三昧。學出世間。須達乎至善。要知六度萬行。不出一心。於一心中。一切法俱備。如浴大海。已用諸河水也。如萬種香爲丸。若燒一丸。具足衆味。如人取寶。獲如意珠王。一切衆寶。出生無盡也。何以知其然。執持一句阿彌陀佛。故得三昧。一念之中。與理相應。諸法現前。六度萬行。皆悉具足。布施則心無染著。持戒則不起妄緣。忍辱則能所俱忘。精進則心無間斷。禪定則動靜俱寂。智慧則不立絲毫。乃一度之中。出無量度。度度之內。如帝網羅。但知一心。本空自然。萬行具足。是故八萬四千法門。八萬四千智慧。八萬四千功德。皆從一念。念佛心中。出生也。華嚴經。賢首菩薩言。佛子。於一切時中。善用其心。則獲一切勝妙功德。可謂一性圓通。一切性。一法徧含。一切法。

維摩大士示菩薩淨土八法

維摩詰經云。衆香世界菩薩問曰。菩薩成就幾法。於此世界行無瘡疣。生於淨土。維摩詰言。菩薩成就八法。於此世界行無瘡疣。生於淨土。何等爲八。饒益衆生而不望報。代一切衆生受諸苦惱。所作功德。盡以施之。等心衆生。謙下無闕。於諸菩薩。視之如佛。所未聞經聞之不疑。不與聲聞而相違背。不嫉彼供。不高已利。而於其中調伏其心。常省已過。不訟彼短。恒以一心求諸功德。是爲八法。行無瘡疣。生於淨土。

較明脩行難易

娑婆濁境。衆苦集而求道難成。淨土樂邦。諸善聚而位登不退。稱名號者。諸佛護念而往生。發菩提者。彌陀光照而增進。菩薩羅漢。與其同儔。水鳥樹林。悉皆念佛。耳畔常聞妙法。心中頓絕貪嗔。快樂無窮。壽量何極。一生彼土。便獲阿惟。豈比人天道中。觸目多諸違順。權乘路上。善根希有。周圍地前三賢。尚未見道。而失念。舍利六任。猶遇惡緣。而退心。所以法華會上。退席者五千。寶積經中。失道者猶衆。觀佛世尚爾。何今時不然。華嚴合論問曰。如涅槃經云。聞常住二字。尚七劫不墮地獄。華嚴經云。設聞如來名。及與所說。

法不生信解亦能成種。何故第六任心。及地前菩薩
猶言有退。答曰。從凡入道。勝解未成。未得謂得。使生
憍慢。不近勝友。不敬賢良。爲怠慢故。又處人天。隨達
順緣。惡念一起。卽成地獄。若一信不慢。常求勝友。卽
無此失。何以故。權教中第六任心。地前三賢。總未見
道。所脩行業。皆是有爲。凡有無明。皆是折伏。有力卽
不退失。至八地中。始入無功用行。是知三乘之士。歷
僧祇劫。而功行無成。念佛之門。於彈指頃。而位階不
退。是以生淨土者。唯善無惡。故位無有退者。決定成
佛。故彌陀經云。極樂國土。衆生生者。皆是阿鞞跋致。
是也。嗟乎。初心信淺。非他力難以進脩。我佛願深。但
有緣悉皆攝受。須信餘門學道。如蟻子上於高山。淨
土往生。似風帆行於順水。彌陀接引。直趣菩提。衆聖
提攜。高超三界。上品卽登佛果。下生猶勝天宮。普信
勿疑。同脩不退。

天台示淨土忻厭二行門

十疑論云。欲生淨土。須具厭忻二行。一者厭離行。常
觀此身膿血屎尿。惡露臭穢不淨。初觀世人。從情欲
貪愛生。是種子不淨。二觀父母赤白和合。是受生不
淨。三觀母胎藏。卽是住處不淨。四在母胎時。唯食母

血卽是食。噉不淨。五十月滿足。從產門出。卽是初生。不淨。六內身膿血。卽是舉體不淨。七死後。胙脹爛壞。卽是究竟不淨。觀身旣爾。觀人亦然。次觀娑婆穢境。衆苦共集。生老病死。怨憎會苦。愛別離苦。憂悲煩惱。三途八難。六趣輪迴。地水火風。無常敗壞。貪嗔癡慢。遇境生心。應當厭離。纔生厭離。淨土必成。二者忻樂行。求生淨土。爲欲救拔一切衆生苦故。是故希心起想。樂緣西方淨國。百寶莊嚴。金地瓊林。花池光彩。神通自在。任意他方。未絕生死。更無煩惱。阿彌陀佛相好光明。法門自悟。衣食自然。諸快樂門。故須忻樂。

淨業道場

夫淨業者。無相無爲之妙行。不染不滯之玄宗。道場者。三世諸佛之任持。菩提正覺之闡域。豈名相數量之可測。非智識能所之述乎。得其旨也。以誠敬爲莊嚴。以行願爲軌則。所以維摩詰經中。示道場之衆相。遠祖師法社。有節度之序文。是以解斯義者。入於實相境。與智合。事與理并。然五分之法身香。炳千光之智慧燭。絕思絕慮。謂之清淨齋脩。曰敬。曰嚴。謂之平等供養。行住坐卧。不離道場。舉動施爲。無非佛事。念念彌陀出世心。心菩薩放光行。行盡是西万。步步皆

登寶所無一法而非正法。舉一音而皆圓首。發一念則天龍護持。行一令則魔王喪膽。此則靈山一會。儼然未散。是名真法。供養如來。論功德則無量無邊。論果報則難思難議。以此祈福。則何福不臻。以此度生。則有生皆度。是名真實功德。是名淨業道場。今嗟末代。有等癡人。不究自心。不知佛理。執着外境。爲實。一向着相脩行。這邊做幾會道場。那裏點幾斤香燭。某處化多少人懺戒。幾時點若干箇化緣。我是張導師。傳宗。他是李師長。徒弟。彼是普字號。伊是覺字宗。不思根本自何來。各競枝條無是處。更又胡言漢語。動輒是此非他。妄解佛經。密傳僞教。打口鼓子。弄葛藤頭。爭我爭人。論高論下。漏逗不少。出醜甚多。不知羞耻。故如斯。豈識慚惶。胡恁麼。將淨土一實之道。變作雜劇場。把彌陀萬德之名。做山歌唱。失却祖師正眼。鈍置蓮宗教門。達人暗地。悲傷識者。觀時驚愕。更有敲鐃打鈸。念真言。攙僧門之應副。呪水書符。談禍福。狀師巫之所爲。差遣諸天。追亡攝祟。喝罵三寶。救病驅邪。百樣蹊蹺。萬般姦異。脚波波與他人作奴僕。忙急急不顧命。趁門徒。讀誦時。十錯九訛。禮念時。七囉八哩。展開經。打瞌睡。收起經。說家私。聚頭磕腦。弄精

魂作隊成群。乾打闢。不思因果。不顧罪愆。借佛祖廣大法門。受人天禮拜供養。美則固美。善則未善。若是持佛戒。在佛門。當學如來之道。誦佛經。行佛行。方盡祖師之心。未能入聖超凡。惟恐無德應供。如抹卓子布。不無穢污於自身。似磨刀磚。未免消磨於本體。若能覺悟。只好回頭。當初投佛持齋。畢竟爲甚麼事。既不能救於生死。爭如自退省脩持。專念彌陀。勤求懺悔。近智人。參尋佛理。向靜處。體究心王。頓令業海息波濤。顯出驪珠。照天地。圓成自己。利益他人。若遇應供道場。慎勿放逸輕慢。依節度。以無違。遵齋經而奉法。現前卽得念佛三昧。祇此是箇安樂法門。上可以報答四恩。下可以拔濟三有。實不枉爲佛子。亦免辜負已靈。信願相資。行解均備。如斯行履。卽現在之彌陀。自此脩持。真人天之眼目。是大緣也。豈小補哉。會麼。青山高處見天闊。白藕開時聞水香。

自行化他

佛言。自未得度。先欲度人者。菩薩發心。自覺已圓。復覺他者。如來應世。故我白蓮祖師。初立念佛一門。行解相應。自利利人。化物有方。誨人存理。稱曰導師。專以念佛三昧。示導於人。普令超出世間也。是故教傳

天下人皆仰焉。今之爲師者。不達其道。局於名相。多集徒衆。不脩實行。空有人師之名。無法可師於人。欲人恭敬尊重。無德受人恭敬。誠可耻也。經云。凡欲度人者。先須求自度。維摩云。自疾不能救。云何救他疾。又地獄報應經云。自不清淨。教人清淨。無有是處。智度論云。譬如二人。各有親屬。爲水所溺。一人情急。直入水救。爲無方便。彼此俱沒。一人有其方便。往取船。棧乘之。救接。悉得度脫。水溺之難。是故爲人師者。有度人之心。無度人之智。何得端然拱手。空腹高心。不肯親近明師。惟知倨傲。受人禮拜恭敬。供養因貪虛譽。實種禍基。譬如凡夫妄號帝王。自取誅滅。卽前之所謂無方便而救人也。豈可妄爲哉。大凡爲人之師。欲度弟子。要當觀照。從上佛祖脩行之因地。得道之源流。傳宗之正印。念佛之法門。一一攷究明白。自信自行。一一脩持。一一成就。旣自利已。然後利人。是乘彌陀之大願力船。救接苦海中之沉溺也。彼此利濟。不亦宜乎。是謂以先覺覺後覺也。自信此法門。亦教人信此法門。自行此道。亦教人行此道。自願往生淨土。亦教人發願往生淨土。自見本性彌陀。亦教人見本性彌陀。如此用心。豈不是行菩薩之行也。師徒弟

子各稟正因。同行正道。展轉化度。盡未來際。一切衆生。俱悟佛乘。同出生死。其功德力。豈易量哉。以此爲人之師。亦何慊焉。其或不然。迷悟兩途。正邪異報。可謂金毛窟裏生獅子。野狐巖下出狐狸。

以事檢心

永明壽禪師自行錄云。欽惟古聖。罔伐已能。緬想前賢。靡彰自德。然釋典有先自行化他之教。儒宗標內舉不避親之文。師常示徒云。因觀弘明集中。先德有檢覆三業門云。夫剋責之情。猶昧審的之旨。未彰故以事檢校心。凡所脩習。既知不及。彌增悚慙。何謂檢校。檢我此心。從旦至甲。從中至暮。從暮至夜。從夜至曉。乃至一時一刻。一念一頃。有幾心幾行。幾善幾惡。幾心欲摧伏煩惱。幾心欲降伏魔怨。幾心念三寶四諦。幾心悟苦空無常。幾心念報父母恩慈。幾心願代衆生受苦。幾心發念菩薩道業。幾心欲布施持戒。幾心欲忍辱精進。幾心欲禪定顯慧。幾心欲慈濟五道。幾心欲勸勵行所難行。幾心欲超求辨所難辨。幾心欲忍苦建立佛法。幾心欲作佛化度群生。上已檢心。次復檢口。如上時刻。從旦已來。已得演說幾句深義。已得披讀幾許經典。已得理誦幾許文字。已得幾迴

歎佛功德。已得幾迴。回向發願。次復檢身。如上時刻。
已得幾迴。屈身禮佛。幾拜。已得幾迴。屈身禮法。禮僧。
已得幾迴。執勞掃塔塗地。已得幾迴。燒香散花。然燈。
已得幾迴。掃除塵垢。正列供具。已得幾迴。懸幡表刹。
合掌供養。已得幾迴。遶佛恭敬。十百千匝。如是檢察。
會理甚少。違道極多。自淨之業。纔不足言。煩惱重障。
森然滿目。闇礙轉積。解脫何由。如上檢察。自救無功。
何有時。閑議人善惡。故須三業。自相訓責。知我所作。
幾善幾惡。是以若不自先檢責。何以化導群機。故菩
薩爲度衆生。故先自脩行。所以淨名經云。資財無量。
攝諸貧民。奉戒清淨。攝諸毀禁。以忍調行。攝諸恚怒。
以大精進。攝諸懈怠。一心禪定。攝諸亂意。以決定慧。
攝諸無智。又經云。自持戒勸他持戒。自坐禪。勸他坐
禪。大智度論云。本師釋迦牟尼佛。不捨穿針之福。祖
師龍樹菩薩釋云。如百歲翁作舞。何以故。爲教兒孫。
故。况未居究竟位。全是自利門。從十信初心。歷十住。
十行。十回向。十地。直至等覺佛前。普賢位。猶是自利。
利他門者。登妙覺位。至佛後。普賢方是利他之行。因
師自說編紀二三。旣對治之行。可觀。則攝化之門。弗
墜。乘戒兼急。權實雙行。體用相收。理事無礙。今引萬

舍同歸集後偈以顯圓脩頌曰

菩提無發而發 佛道無求故求 妙用無行而行

真智無作而作 興悲悟其同體 行慈深入無緣

無所捨而行檀 無所持而具戒 脩進了無所起

習忍達無所傷 般若悟境無生 禪定知心無住

鑒無身而具相 證無說而談詮 建立水月道場

莊嚴性空世界 羅列幻化供具 供養心王如來

懺悔罪性本空 勸請法身常住 迴向了無所得

隨喜福等真如 讚歎彼我虛玄 發願能所平等

禮拜影現法會 行道步躡真空 焚香妙造無為

誦念深通實相 散花顯諸無着 彈指以表去塵

施為谷響度門 脩習空花萬行 深入緣生法性

常遊如幻法門 誓斷無染塵勞 願生唯心淨土

履踐實際理地 出入無礙觀門 降伏鏡像魔軍

大作夢中佛事 廣度如化含識 同證寂滅菩提

蓮宗寶鑑卷第六 終

蓮宗寶鑑卷第七念佛正願

念佛正願說

理由智導行由願興行願得均理智兼備理智兼備則心心念念總是彌陀刹刹塵塵皆為淨土自非大願行力曷能臻此哉欲人人證此三昧者要在信願深其根本也夫願者樂也欲也欲生西方淨土樂見阿彌陀佛故發此願是以憑大願力直要到彼也所以慈照云時時發願樂慕往生日日禱祈勿令退失如無願心則善根沉沒華嚴經云不發大願是為魔事所以普賢廣無邊願海彌陀有六八願門是知十

方諸佛。上古先賢。皆因願力而得成就。菩提不與願樂之心。不成願樂之行。故云。法門廣大。無願不從。是以佛隨人之心。滿人之願。何況專脩念佛。願生淨土。安得不遂心。滿願哉。懺云。願我不退菩提心。願我決定生安養。願我速見彌陀佛。願我盡生無別念。唯心淨土。獨相隨。又阿彌陀經云。若有信者。應當發願。願生彼國。又懺云。衆生無邊。誓願度。煩惱無盡。誓願斷。法門無量。誓願學。佛道無上。誓願成。此則謂之四弘誓願。故我慈照集懺。恐人着事迷理。乃云。自性衆生。誓願度。自性煩惱。誓願斷。自性法門。誓願學。自性佛道。誓願成。此四句。直明真理。欲令一切人。於自性中。度了一切妄念。衆生所謂邪迷雜想。貪癡蛆妬。嗔恚惡毒等心。故令發大誓願。自性自度也。又於自性中。斷除一切煩惱。所謂塵勞業識。邪思惡念。猶如浮雲。障覆自性光明。不現。故令發大誓願。自斷除之。永不令起。又於自性中。脩學一切法門。所謂念佛三昧。悲智行願。無量法門。故令發大誓願。自悟自脩。常無退失。直至菩提。不以得少爲足。又於自性中。自信有佛。發大誓願。常自觀照。自願成佛。菩提此乃慈照老婆心切。明明與後人開了一箇門戶。只要你諸人自信。

蓮宗卷七
自肯從這裏入頭。悟自性彌陀。達唯心淨土。入諸佛境界。成就無上菩提。嗟乎。世之善人。不知此意。向外別求。何異持神珠而巡乞也。可不惑乎。普願見聞。遞相勸策。同興正念。早上玄途。覺前前非。明後後位。立大志氣。奮大勇猛。發大誓願。誓度無邊衆生。誓斷無盡煩惱。誓學無量法門。誓願往生西方極樂世界。見阿彌陀佛。誓同一切善人。圓成無上佛道。可謂不得春風花不開。花榮須感春風力。

勸發大願

慈照云。有行無願。其行必孤。有願無行。其願必虛。無行無願。空任閻浮。有行有願。直入無爲。此乃佛祖修淨業之根本也。備觀今時信人。皈投佛會。或爲病苦而發心。或爲報親而舉意。或爲保扶家宅。或爲佈罪持齋。雖有信心。而無行願。雖云念佛。不達本根。九條善緣。皆爲了還心願。罕有爲自己生死發願念佛。求生淨土者。徃徃香燭道場。祝願回向之辭。皆是表獻神明。消災延壽而已。故與經懺本意相違。不合諸佛本願。縱使一生脩誦。不明理趣。錯用工夫。是謂終日數他寶。自無半錢分也。臨終所以不得往生淨土者。蓋無行願故也。又有一等癡人。投佛受戒。乃於三寶

前焚香誓願云我若破戒甘當惡病纏身永墮地獄
或言左眼出血右眼出膿自肯自甘類官司之執結
多見有口無心破齋犯戒自願受報痛苦奚堪甘心
墮落之門自取喪身之兆殊不知佛祖興慈運悲何
嘗教人如此皆是邪師過謬錯將罰呪以爲發願耳
何惑之甚哉予嘗憫念勸令同發正願求生淨土願
同作佛彼則曰我是凡夫豈敢望生淨土要做佛耶
我有此心又成妄想予應之曰不然善知識佛是覺
也淨土是心也此心誰不有之覺卽佛也迷則衆生
也世人背覺合塵輪迴三界四生六道善惡業緣受
報好醜皆因妄認四大爲我身六塵爲實有隨他幻
境日夜流轉未嘗暫省回光從生至老惟憂家緣不
辦財不稱心愈多愈求愈貪不足雖曰積善奉佛禮
拜作福燒香只願富貴榮華長生不死纔做些小好
事便有伏願數般要保米穀盈倉蠶絲倍萬子孫光
顯牛馬孳生纔有一不如意便怨佛不保全日日財
喜增添始道天龍感應如此貪謀正是妄想自不知
覺却言念佛求生淨土之說作妄想者豈不大顛倒
乎凡曰作福盡屬有爲蓋世間有漏之因非出世無
爲之道脩行佛子宜善思惟今日有緣得逢佛法當

須究本莫競枝條。一念回光。脩出世法。願捨娑婆。願生淨土。亦如久客在於他鄉。思欲歸于故里也。此願生淨土。願作佛之心。豈可比同凡夫妄想哉。豈不見懺中云。願我臨欲命終時。盡除一切諸障礙。面見彼佛。阿彌陀。卽得往生安樂刹者是也。可謂一朝踏看來時路。始覺從前錯用心。

慈照宗主示念佛人發願偈并序

彌陀節要云。念佛之人。最急一事。不善相應。何以故。雖云持戒念佛。不曾發心。願生淨土。皆是埋頭過日。自失善利。大凡念佛。先要發心。欲超生死。往生淨土。須以大願自爲主意。常須念佛。早晚專心禮拜彌陀。如朝帝王。兩不失時。日近日親。心口與佛相應。去佛不遠。口念心想。心願見佛。發深重願。決信無疑。日久歲深。工夫純熟。自然三昧成就。臨命終時。彌陀接引。淨土現前。更願現生之內。常遇善知識。不值邪見師。無惑我心。不生懈怠。若也如此念佛。深信發願。是信行願。三不虧也。臨終見佛。卽非外來。盡是唯心顯現。猶如種子在地。逢春發生。豈是外來。皆從地出也。今之脩行。亦爾。念佛信願。納在八識心地。臨終發現淨土。彌陀卽非外來。皆從自心出也。偈云。

萬法從心生。萬法從心滅。我佛大沙門。常作如是說。持戒無信願。不得生淨土。唯得人天福。福盡受輪迴。展轉難脫離。看經無慧眼。不識佛深意。後世得聰明。亂心難出離。不如念佛好。現世無名利。行坐不多羅。則是阿彌陀。發願持戒力。回向生樂國。正是合行持。千中不失一。釋迦金口說。彌陀親攝受。諸佛皆護念。諸天善護持。見此念佛人。與佛不相遠。應當坐道場。轉于大法輪。普度無邊衆。譬如貧家女。腹孕轉輪王。諸天常愛護。貧女自不知。腹中有貴子。今此念佛人。其意亦如是。憶佛常念佛。不久當成佛。諸佛善護持。其人自不知。我當生淨土。却要來後世。再得生人中。譬如貧人家。地內有伏藏。藏神常守護。不令其有失。貧人自不知。家內有寶藏。逐日趁客作。求衣食自濟。今此念佛人。其意亦如是。不知念佛人。具足如來藏。自說我無分。返要生人中。譬如病人家。自有真妙藥。不知妙藥性。不能自治病。每日床枕邊。痛苦受無量。今此念佛人。其意亦如是。不知念佛心。能滅貪嗔病。能爲大醫王。能爲大寶藏。利濟一切人。能爲大法王。覆護一切衆。將爲是凡夫。不得生淨土。且自持齋戒。

後世願爲人展轉更脩行。方可生彼國。多見脩行人。常作如是說。不稱彌陀願。不合淨土經。邪見障覆心。畢竟難出離。非是他人障。皆是自障心。今世不得生。一蹉是百蹉。勸汝脩行人。信我如來說。佛無不實語。豈是虛誑言。但當自精勤。一心求淨土。因風吹於火。用力不消多。幸有念佛心。回願超三界。逢寶不取寶。遇食受饑寒。咄哉大丈夫。不見真實意。我今略勸讚。展轉傳與人。代我廣流通。作於如來使。真是諸佛子。真名報佛恩。普願如說行。同生極樂國。

求生淨土要在發願

智度論第八卷問曰。諸菩薩行業清淨。自得勝報。何必要立誓願。然後得之。且如田家得穀。豈復待願耶。答曰。作福無願。無所標立。願爲導御。能有所成。如佛所說。若人脩少福。少戒。不知解脫。正因聞說人天之樂。心常願樂。命終之後。各生其中。此皆願力所致。菩薩求生淨土。在乎志願堅強。然後得之。以此故知。因彼願力。得受勝果。古德云。佛果夙絕。登之則有階。法雲峻極。屆之則有漸。大心初發。玄德照於來生。弘誓纔興。妙願徧於空界。一念興志。卽塵劫之瑞華。半刻

虔躬乃大千之甘露。大莊嚴論云。佛國大事獨行功德不能成就。要須願力資助。引而成之。以願力故。福德增長。不失不壞。當生佛土。隨願見佛。華嚴經云。是人臨命終時。最後刹那。一切諸根悉皆散壞。一切親屬悉皆捨離。一切威勢悉皆退失。乃至象馬車乘。珍寶伏藏。如是一切無復相隨。唯此願王。不相捨離。於一切時。引導其前。一刹那中。即得往生極樂世界。

善導和尚脩行發願儀

修淨土入觀及睡時應發此願。若坐若立。一心合掌。正面西向。十聲阿彌陀佛。觀世音。大勢至。清淨大海眾菩薩。竟發願云。弟子現是生死凡夫。罪障深重。輪迴六道。苦不可言。今遇知識。得聞彌陀名號。本願功德。一心稱念。求願往生。願佛慈悲。不捨哀憐。攝受弟子某甲。不識佛身。相好光明。願佛示現。令我得見。及見觀音勢至。諸菩薩等。彼世界中。清淨莊嚴。光明妙相等。令我了了得見。發此願已。一心正念。即隨意入觀。或臨臥發願而睡。或有正發願時。即得見之。或睡時得見。但辦專志。自然圓滿所願。

自侍郎發願求生淨土文

記曰。我本師釋迦如來說言。從是西方過十萬億佛。

上有世界號極樂。以無八苦四惡道故也。其國號淨土。以無三毒五濁故也。其佛號阿彌陀。以壽無量願無量功德相好光明無量故也。諦觀此娑婆世界眾生無賢愚無貴賤無幼艾。有起心歸佛者。舉手合掌。必向西方。有怖厄苦惱。開口發聲。必先念阿彌陀佛。又範金合土。刻石綉文。乃至印水聚沙。童子戲者。莫不率以阿彌陀爲上首。不知其然而然。由是而觀。是彼如來有大誓願。於此眾生。衆生有大因緣。於彼國土明矣。不然。則南北東西過去現在未來佛甚多矣。何獨如是哉。何獨如是哉。唐中大夫太子少傅白居易。易當衰暮之歲。中風痺之疾。乃捨俸錢。命工人杜敬宗。按阿彌陀無量壽二經。畫西方世界一部。高九尺。廣丈有三尺。阿彌陀佛坐中央。觀音勢至二大士侍左右。人天瞻仰。眷屬圍遶。樓臺伎樂。水樹花鳥。七寶嚴飾。五彩彰施。爛爛煌煌。功德成就。弟子居易焚香稽首。跪於佛前。起慈悲心。發弘誓願。願此功德回施一切衆生。一切衆生有如我老者。如我病者。願離苦得樂。斷惡脩善。不越南部。便覩西方。白毫大光。應念來感。青蓮上品。隨願往生。從現在身。盡未來際。常得親近。而供養也。欲重宣此義。而說讚曰。極樂世界清

淨土無諸惡道及衆苦。願如我身老病者。同生無量壽佛所。

馮濟川施經發淨土願文

其畧曰。予之施經一事。而具二施。何故。以此贖經。是謂財施。以經傳法。是謂法施。按佛所說。財施後世當得天上人間福德之報。法施當得世智辯聰。蓋世之報。當知此二報者。皆是輪迴之因。苦報之本。我今發願。願回此二報。臨命終時。莊嚴往生西方極樂世界。蓮華爲胎。托質於中。見佛聞法。悟無生忍。登不退階。入菩薩位。還來十方界內。五濁世中。普見其身。而作佛事。以今日財法二施之因。如觀世音菩薩具大慈悲。遊歷五道。隨類化形。說誦妙法。開發未悟。永離苦道。今得智慧。普與衆生。悉得成佛。乃予施經之願也。

蓮宗寶鑑卷第八念佛往生正訣

念佛往生正訣說

淨土之道。往生一門。具載群經。明如杲日。實脩行者。入道之方。乃念佛人棲神之所。無念之念。念卽念於阿彌。無生之生。生則生於淨土。是故深行菩薩。歷代師模。名卿巨儒。庶民士女。篤信斯道。結誓進脩者。不可勝計。其意何哉。必欲生淨土。見阿彌而後已。須知佛本無身。亦無其土。皆衆生心淨所由致感也。經不云乎。是心作佛。是心是佛。諸佛正徧知海。從心想生。故天台大師釋之曰。佛本是無心淨。故有良以衆生。

心淨則法體現前。衆生心染則苦道流轉。此乃理之常也。又何疑乎。以圓實教所談。唯心本具者。若此若彼。若染若淨。皆不越吾心之一念也。夫心者。造罪之源。成佛之本。所謂介爾有心。三千具足。然而三千諸法。既具十界十如。三種世間互具。而顯則安養國土。捨此何求。非但淨土唯心。蓋地獄亦唯心矣。又云。阿鼻依正。全趣極聖之自心。身土毗盧。不逾下凡之一念。纔起悟迷之見。便入邪流。不分染淨之殊。方歸正道。乃山劍樹。總是空華。寶渚金蓮。皆成夢事。如斯受用。始了真脩。脫或未然。宜依權漸。而加脩進。深信阿彌陀佛。卽我本性。貴在禮誦懺念之間。行任坐臥之處。照於三觀。契乎一心。全智發境。全境是心。故知佛正佛依。皆是心具。心造信乎淨土。彌陀昭昭然影現於心目之間。譬如磨銅成鏡。必假施功。直使塵垢淨盡。無餘。則本體圓明。自然顯現。一切色像。俱無隱焉。當知鏡中之像。若謂是有。不可承而攬之。若謂是無。則色像歷然。可見所謂有。不定有。無。不定無。有無雙遣。任運是中。大矣哉。不思議境。唯心妙觀之道也。欲證斯道。必明於因。當知因該果海。果徹因源。原始要終。不離一念。從因至果。只在初心。苟能於此善脩如

是之因至於臨終必獲如是之果是知專心念佛爲因往生淨土爲果始從聞信信以脩持積淨業之工夫得功緣之成滿時節既至大理昭然視死如歸豈不慶快故茲直示往生正訣明指到家路頭此時自信不疑他日出門不誤如此則安養國土何患不生自性彌陀決然可見與夫列聖群賢同成淨行歷位至極者實惟斯道矣

父母臨終往生淨土

諦信淨土發心念佛者蓮池下種時也一心念佛衆善莊嚴者蓮華出水時也念佛功成淨土緣熟華開見佛時也佛子事佛固先事親拳拳孝念不捨須臾順父母之情懷察父母之顏色纔乖攝養力爲調和又當念風燭不停須防往生時至預以父母平生所脩一切善緣好事及衆人助脩功德聚爲一疏時時對父母讀之要令父母心生歡喜又當勸令坐臥西向不忘淨土又當東向設彌陀像勸令一心念佛焚香鳴磬躬率衆人同聲和之常使佛聲相續不絕無以世情悲戀恐失正念臨捨報時猶當用意自然諸聖來迎往生淨土寶蓮花中決定成佛孝子侍養父母正在此時不宜懈怠此孝子事親臨終之大事也

以此爲孝其孝至矣。又况從古以來念佛往生西方者非一。略舉數條以爲念佛者鑑。所以烏長國王觀衆聖以來迎。隋文皇后乘異香而西邁。姚行婆請佛相待。宋世子侍母同歸。可謂一超直入如來地矣。

臨終三疑

慈照宗主淨土十門告誡云。念佛人臨終三疑不生淨土。一者疑我生來作業極重。脩行日淺。恐不得生。二者疑我欠人債負。或有心願未了。及貪嗔癡未息。恐不得生。三者疑我雖念彌陀。臨命終時。恐佛不來迎接。有此三疑。因疑成障。失其正念。不得往生。故念佛之人。切要諦信佛經明旨。勿生疑心。經云。念阿彌陀佛一聲。滅八十億劫生死重罪。上至一心不亂。下至十念成功。接向九蓮。令辭五濁。苟能心心不昧。念念無差。則疑情永斷。決定往生。可謂十萬億程彈指到。絲毫擬議隔千山。

臨終四關

四關者。慈照宗主淨土十門告誡云。凡夫雖有信心。念佛緣爲宿業障重。合墮地獄。乘佛力故。於床枕間。將輕換重。若也因病苦故。悔悟身心。當生淨土也。無智之人。不了此事。却言我今念佛。又有病苦。反謗彌

陀因此一念惡心徑入地獄此是一關也二者雖則持戒念佛緣爲口談淨土意戀娑婆不求出世善根爲愛家緣長旺以致臨終遭病怕死貪生信受童兒呼神喚鬼燒錢化馬殺戮衆生緣此心邪無佛攝護因茲流浪墮落三途是二關也三者或因服藥須用酒鯉或被親情遞相逼勸此人無決定信喪失善根臨終追赴王前任王判斷是爲第三關也四者臨終之際思惟活業繫綴資財愛戀眷屬心放不下失却正念故於家舍墮鬼趣中已爲禍祟或爲慳犬或作蛇身守護家庭宛如在日是爲四關也是以楊提刑言愛不重不生娑婆念不一不生淨土誠哉是言凡脩淨土者要當酌實蠲浮思專想寂念念彌陀全身放下但能堅此一念便可碎彼四關則淨土蓮臺的非遙矣可謂一句彌陀無別念不勞彈指到西方

臨終決疑撮要

凡脩念佛之人欲生淨土每念世間一切無常成必有壞生必有死若不親聞佛法則捨身受身輪轉三界四生六道無解脫期我今有緣得聞正法得脩淨業唯佛爲念捨此報身當生淨土入彼蓮胎受諸快樂永脫生死不退菩提此乃大丈夫平生之能事也

蓮宗卷八
五
纔有疾病。正要向前坦蕩身心。莫生疑慮。直須西向
正坐。專想阿彌陀佛。與觀世音大勢至菩薩及無數
化佛。現在其前。一心稱念。南無阿彌陀佛。聲聲不絕。
於諸世間一切事務。不得思念。不得貪戀。若或心念
起來。但要急稱佛號。於念念中。除滅罪障。若病人昏
困。不能自念。則看病人。當方便警策。勸而諭之。如此
用心。助令命盡。只此一念。決定往生淨土。命若未盡。
自得安寧。慎勿妄起。留戀世間之心。當存自存。當死
須死。但辦往生。何須疑慮。若解此理。如脫弊服。以着
上衣。一捨凡身。便登佛地。奇哉。偉哉。至矣。盡矣。或聞
天樂異香。或見金蓮寶座。此乃聖境現前。慎勿疑為
魔事。經云。脩淨業者。托佛願力。觀佛寶相。為境故。如
人近附帝王。誰敢干犯。况阿彌陀佛。有大慈悲力。有
大誓願力。有大智慧力。有大三昧力。有大威神力。有
大摧邪力。有大降魔力。有天眼遠見力。有天耳遙聞
力。有他心徹鑑力。有光明遍照。攝取衆生力。有如是
等。不可思議。無量最勝功德之力。豈不能護持脩行
念佛之人。至臨終時。令無魔障。生淨土哉。可謂粉骨
碎身未足酬。一句了然超百億。

僧濟臨終注想西方

廬山尊者弟子僧濟臨終之際尊者遺燭一枝曰汝可運想西方濟執燭注想金容攝心無亂復請僧衆誦十六觀經五更濟以燭授同袍遂假寐及寤曰吾夢見阿彌陀佛垂手接引吾當去矣言訖右脇而逝此非戒定慧之所熏脩而豈能溫容軟語於生死岸頭耶可謂得路便行無罣礙等閑抹過死生關

善導和尚臨終往生正念文

知歸子問曰世事之大莫越生死一息不來便屬後世一念差錯便墮輪迴小子累蒙開誨念佛往生之法其理甚明又恐病來死至之時心識散亂仍慮他人感動正念忘失淨因伏望重示歸徑之方俾脫沉淪之苦師曰善哉問也凡一切人命終欲生淨土須是不得怕死常念此身多苦不淨惡業種種交纏若得捨此穢身超生淨土受無量快樂解脫生死苦趣乃是稱意之事如脫弊衣得換珍服但當放下身心莫生戀着凡遇有病之時便念無常一心待死叮囑家人及看病人往來問候人凡來我前爲我念佛不得說眼前閑雜之話家中長短之事亦不須軟語安慰祝願安樂此皆虛花無益之語若病重將終之際親屬不得垂淚哭泣及發嗟嘆懊惱之聲惑亂心神

失其正念。但一時同聲念佛。待氣盡了。方可哀泣。纔有絲毫戀世間心。便成罣礙。不得解脫。若得明曉淨土之人。頻來策勵。極爲大幸。若依此者。決定超生。卽無疑也。又問曰。求醫服藥。還可用否。答曰。求醫服藥。初不相妨。然藥者。只能醫病。不能醫命。命若盡時。藥豈奈何。若殺物命爲藥。以求身安。此則不可。余多見世人。因病持齋。方獲小愈。復爲醫者。以酒食血肉佐藥。其病復作。信知佛力可救。酒肉無益也。又問曰。求神祈福。如何。答曰。人命長短。生時已定。何假鬼神延之耶。若迷惑信邪。殺害衆生。祭祀神鬼。但增罪業。反損壽矣。大命若盡。小鬼奈何。空自惶惶。俱無所濟。切宜謹之。當以此文帖向目前。時時見之。免致臨危忘失。又問曰。平生未曾念佛人。還用得否。答曰。此法僧人俗人。未念佛人。用之。皆得往生。決無疑也。余多見世人。於平常念佛禮讚發願。求生西方。甚是勤拳。及至臨病。却又怕死。都不說着往生解脫之事。直待氣消命盡。識投冥界。方始十念鳴鐘。恰如賊去關門。濟何事也。死門事大。須是自家着力始得。若一念差錯。歷劫受苦。誰人相代。思之。思之。若無事時。當以此法精進受持。是爲臨終大事。可謂一條蕩蕩西方路徑。

直歸家莫問津

化佛來迎

宗鏡錄。或問曰。心外無佛。見佛是心。云何教中說有化佛來迎。生諸淨土。答曰。法身真佛。本無生滅。從真起化。接引迷根。以化卽真。真應一際。卽不來不去。隨應物心。又化體卽真。說無來去。從真流化。現有往還。卽不來相而來。不見相而見也。不來而來。似水月之頓呈。不見而見。猶行雲之忽現。問如上所說真體。卽湛然不動。化相卽不來而來。正是心外有他佛來迎。云何證自心是佛。答曰。此乃是如來本願功德力。故令彼有緣衆生。專心想念。能令自心見佛來迎。不是諸佛實遣化身而來迎接。但是有緣時機正合。能令自心見佛來迎。則佛身湛然常寂。無去無來。衆生識心。託佛本願力。一念變化。有去有來。如鏡面像。似夢施爲。鏡中之形。非內非外。夢中之事。不有不無。但是心生。非關佛化。真信脩行之事。端的是要生西方極樂世界。專意一念。持一句阿彌陀佛。只此一念。是我本師。只此一念。卽是化佛。只此一念。是破地獄之猛將。只此一念。是斬群邪之寶劍。只此一念。是開黑暗之明燈。只此一念。是度苦海之大船。只此一念。是脫

生死之良方。只此一念。是出三界之徑路。只此一念。是本性彌陀。只此一念。達唯心淨土。但只要記得這一句阿彌陀。佛在念。莫教失落。念念常現前。念念不離心。無事也。如是念。有事也。如是念。安樂也。如是念。病苦也。如是念。生也。如是念。死也。如是念。如是一念。分明不昧。又何必問人覓歸程乎。可謂行船盡在把梢人。達者同遊涅槃路。

賢首菩薩臨終讚念佛偈

又放光明名見佛

此光覺悟將終者

令隨憶念見如來

命終得生其淨國

見有臨終勸念佛

及示尊像令瞻仰

俾於佛所深歸信

是故得成此光明

天竺慈雲式懺主云。前四句讚佛放光。見其光者。名為見佛。能令臨命終時。淨土往生。後四句讚佛。修此光明之因。其因者。祇是勸臨終人念佛。并示其佛像。令彼見已生信。故成佛時。得此光明。今以偈普勸信受。凡遇眷屬。及一切人。臨命終時。先於床前安置此像。令彼眼見。及勸令念佛。若痛苦所逼。或先無信心。不肯念者。亦須種種方便。勸令稱佛。下至十念。得滅重罪。生佛淨土。此一利益。不可思議。若勸得一人。生

淨土縱自不脩行亦合得生淨土况當來成佛能放
光明照一切衆生臨終見佛也多見世人爲恩愛故
聚頭哭泣不思救度是名惡知識也苦哉苦哉恩愛
所牽墮落惡道無解脫期雖慈親孝子亦不奈何以
此思之可不勉哉可謂普願沉溺諸衆生速往無量
光佛刹

情想多少論報高下

首楞嚴經云佛告阿難一切世間生死相續生從順
習死從變流臨命終時未捨暖觸一生善惡俱時顯
現純想卽飛必生天上若飛心中兼福兼慧及與淨

願自然心開見十方佛一切淨土隨願往生情少
多輕舉非遠卽爲飛仙情想均等不飛不墜生於人
間想明斯聰情幽斯鈍情多想少流入橫生重爲毛
群輕爲羽族七情三想沉下水輪生於火際受氣猛
火身爲餓鬼常被焚燒水能害已無食無飲經百千
劫九情一想下洞火輪輕生有間重生無間二種地
獄純情卽沉入阿鼻獄若沉心中有謗大乘毀佛禁
戒誑妄說法虛貪信施濫膺恭敬五逆十重更生十
方阿鼻地獄

命終善惡感報憂劣

守護國界王經云。佛言。若人命終之時。預知時至。正念分明。洗浴着衣。吉祥而逝。光明照身。見佛相好。衆善俱現。定知此人。決定往生淨土。若人念佛持戒。無精進心。命終亦無善相。亦無惡相。地府不收。安養不攝。如睡眠去。此人疑情未斷。生於疑城。五百歲受樂。再脩信願。方歸淨土。若人起憐憫心。正念現前。於財寶妻子。心無愛戀。眼色清淨。仰面含笑。想念天宮。當來迎我。耳聞天樂。眼見天童。捨此報身。定生天界。若人生柔軟心。起福德心。身無病難。憶念父母妻子。於善於惡。心不錯亂。其心正直。遺囑家財。辭別而去。定生人界。若人於已眷屬。惡眼瞻視。舉手捫空。便利不覺。身常臭穢。兩目紅赤。仆面而卧。蹠身左脇。百節酸疼。或見惡相。口不能言。伸吟叫喚。冤債現前。心識散亂。狂惑顛倒。徧體如水。手捻死拳。身硬如石。此人命終。定入地獄。若人好舐其唇。身熱如火。常患飢渴。好說飲食。張口不合。貪戀財寶。命卒難斷。開眼而去。此人定入餓鬼。若人身染重病。如在雲霧。心神昏散。怕聞佛名。多愛食噉血肉之味。不受勸化。愛戀妻兒。蹠手足指。徧身流汗。出麤澁聲。口中咀沫。此相現前。定入畜生。

臨終十事不克念佛勸預脩

凡夫業重處處貪生若不預辦工夫臨終不克念佛。天舌十疑論云臨終念佛名最後心其心猛利一念佛名即生淨土蓋垂死時其心猛健決定故勝百歲行力也或問曰臨終念佛即得往生何假預脩勝業。答曰人生壽夭難測短長或即病困昏迷或即非時奄逝既闕生前之善難逃後世之殃須預作於善緣是恐防於斯咎十種命終不克念佛一者善友未必相逢二者或疾苦纏身神昏性亂三者偏風失語不得稱名四者狂亂失心妄想難克五者或逢水火不暇志誠六者輒遇虎狼驚惶倉卒七者臨時惡友破壞道心八者飽食過多昏迷致命九者軍忤鬪戰忽爾身亡十者或墜高巖傷中身命故知臨終難保吉凶須是預先修習可謂閑時做下急時用免得臨時手脚忙

蓮宗寶鑑卷第八 終

凡夫業重處處貪生若不預辦工夫臨終不克念佛
 天台十疑論云臨終念佛名最後心其心猛利一念
 佛名即生淨土蓋垂死時其心猛健決定故勝百歲
 行力也或問曰臨終念佛即得往生何假預辦勝業
 乎湖外生壽夭難測短長或即病困昏迷或即非時
 凶賊暴斃或剋時可暗開劫劫不意報用與計翻報
 爾良言十昔如劉高嶺中良命劫時翻報與計吉
 報與計人昔頭身斷多骨米姪命火昔軍中問輝感
 鄰志願六昔神聖氣射驚對會卒十昔翻報與計文如
 蓮宗寶鑑卷第九念佛正報

念佛正報說

因脩白業果感淨方化佛引上金臺賢聖迎歸樂國
 高超三界迥出四流業盡塵消亡情絕慮質托蓮胞
 之內神遊寶界之中面奉阿彌為本師得見觀音勢
 至為親友清淨海眾大會寶池九品勝流各說本行
 五香拂體三德嚴身暫扇微風聆眾音之演法繽紛
 花雨觀談網之舒光縹緲雲霞近浮神足輕盈衣袂
 盛接妙華晨謁慈顏得法印而還國暮遊金刹聽玉
 偈以逍遙瑞蓮初綻為遣殘殃新學化生行成不退

豈惟近忘。履苦。抑亦佛果非遙。戲翫瓊林。灌沐德水。百寶之樓臺。華麗七重之行樹。森嚴景序。長春地平。如掌。衣食隨念而至。天樂不鼓。自鳴。受用出於自然。快樂實非人世。諸天萬億倍。不可比論。諸佛恒河沙。悉皆稱讚。身具光明妙相。足踐聖道香階。壽命難量。悲願無盡。捨兩重生死。既非果趣之身。獲本際常光。離去來之相。緣強德勝。皆由念佛心生。福備壽長。盡是淨因。感報故知。佛有攝生之願。生有感佛之因。如是勝緣。起於信願。以斯妙果。成就正依。或禪誦七寶池邊。或經行黃金地上。飽禪悅法喜珍味。掛慈悲喜捨天衣。功德資神。增加悲智。雍容辦道。長養聖胎。入無生門。便登菩薩之位。得阿跋致。不退菩提之心。住法王家。盡授如來之記。聞大乘法。同稱補處之尊。念念虛玄。心心靜慮。得三昧正定。具六種神通。獻供十方。往來無礙。分身億刹。不失定心。洒法水於三千。出衆生於火宅。自他兼利。行願周圓。可謂百千三昧。盡唯心功德。莊嚴歸自己。

功德莊嚴

大彌陀經菩薩功德章云。往生彼國者。皆悉容貌柔和。相好具足。禪定智慧。通達無礙。神通威德。無不圓

滿深入法門。具無生忍。諸佛秘藏。究竟明了。調伏諸
根。身心柔軟。安然寂靜。盡般泥洹。深入正慧。無有餘
習。依佛所行。七覺聖道。脩行五眼。照真達俗。辯才總
持。自在無礙。善解世間。無邊方便。所言誠諦。深入義
味。敷演正法。度諸有情。等觀三界。空無所有。知一切
法。無相無爲。無取無捨。遠離顛倒。堅固不動。如須彌
山。智明如日。廣大如海。出功德寶。熾盛如火。燒煩惱
薪。忍辱如地。一切平等。清淨如水。洗諸塵垢。如虛空
無邊不障。一切故。如蓮花出水。離一切染。故。如雷震
響。出法音。故。如雲變隼。降法雨。故。如風動樹。發菩提
芽。故。如牛王聲。異衆牛。故。如龍象威。難可測。故。如良
馬行。乘無失。故。如獅子王。無怖畏。故。如尼拘律樹。覆
蔭大衆。故。如優鉢羅華。難值遇。故。如金剛杵。破邪山。故。
如梵王身。生梵衆。故。如金翅鳥。勝毒龍。故。如空中禽。
無住跡。故。如雪山照。功德淨。故。如慈氏觀。法界等。故。
專樂求法。心無厭足。常欲廣說。志無疲倦。擊法鼓。建
法幢。曜慧日。除癡冥。脩六和敬。常爲師導。爲世明燈。
最勝福田。以安群生。功慧殊勝。莫不尊重。恭敬供養。
無量諸佛。常爲諸佛所共讚歎。究竟菩薩。諸波羅蜜。
遠離聲聞緣覺之地。佛告阿難。彼諸菩薩。以念佛故。

成就如是無量功德。我但爲汝舉要言之。若廣說者。雖盡億劫不能窮盡。

淨土增脩聖果

大彌陀經云。諸念佛人。生淨土已。卽入七寶池中。澡雪形體。蕩滌情慮。各坐一花上。自然微風吹動。諸寶行樹。出微妙音。散諸寶華。異香芬馥。皆作佛事。聞者喜悅無量。自然心開。各往脩進。有在地講經者。有在地誦經者。有在地說經者。有在地口授經者。有在地聽經者。有在地念經者。有在地思道者。有在地坐禪一心者。有在地經行者。有在虛空中講經者。有在虛空中誦經者。有在虛空中說經者。有在虛空中口授經者。有在虛空中聽經者。有在虛空中念經者。有在虛空中思道者。有在虛空中坐禪一心者。有在虛空中經行者。其間聲聞弟子。皆發大心。有未得聖果者。因是而得聖果。有未得不退轉地者。因是而得不退轉地。菩薩各隨其資。而有所得。莫不忻然適意而悅。遊戲三昧。利樂有情。由念佛之堅心。稱彌陀之本願。往生佛子。同列此班。智慧辯才。神通如意。風帆勢順。速證菩提。超萬劫之輪迴。得諸天之仰重。淨業勝善。大果昭然。寄語同流。無忘此事。蠕動蚰飛。猶有分大。

丈夫兒當勉旃

淨土三十益

天台智者大師淨土群疑論示。生西方者。有三十種益。一往生佛土益。二得大法樂益。三親近諸佛益。四遊歷十方供佛益。五親聞佛說益。六福慧資糧疾得圓滿益。七速證菩提益。八諸大人等同集一會益。九無退轉益。十無量行願增進益。十一鸚鵡舍利宣揚法音益。十二風樹樂響益。十三摩尼水漩演苦空益。十四諸樂奏妙音益。十五四十八願益。十六真金色身益。十七形無醜陋益。十八具足六通益。十九常住定聚益。二十無諸不善益。二十一壽命長遠益。二十二衣食自然益。二十三唯受衆樂益。二十四三十二相益。二十五實無女人益。二十六無有小乘益。二十七離於八難益。二十八得三法忍益。二十九身常有光益。三十得那羅延身力益。可謂處處菩提道明明功德林。

淨土成佛

金剛定後菩薩因圓解脫道中。如來果滿具四無量心得。四無礙辯。十八種法不共二乘。十力現前。說法無畏。塵沙惑盡。萬行功成。十號俱彰。三身圓顯。具九

蓮宗寶鑑卷第九
十七種大人相。放八萬四千大光明。悲智俱融。福德
雙足。現居十重報土。能垂萬類化身。布大慈雲。雨大
法雨。滂流法界。潤澤羣生。咸悟本心。同成正覺。○選
佛若無如是眼。宗風那得到如今。

蓮宗寶鑑卷第九終

蓮宗寶鑑卷第十念佛正論

念佛正論說

夫奉教念佛之士。叨法王之遺蔭。作如來之所使。必
以摧邪顯正。激濁揚清。爲後學著龜。作生靈耳目。爲
已任也。苟弗能而默默自守。則尸祿備負於佛門矣。
雖講授亦奚以爲。豈不聞因筌然後得魚。體教然後
脩行。名教未正。行如之何哉。故不得不論也。是以仲
尼爲政。正其不正。涅槃遺誡。急在糾過。余嘗觀吾佛
世尊之王西竺也。象無象之象。言無言之言。以復群
生之性。由是頓教漸教。大乘小乘。盈溢乎龍宮海藏。

無非摧邪顯正激濁揚清之旨。而大地生民率其化而復其性者。可勝計乎。其間偏讚西方。謂捷徑脩行之道者。蓋以阿彌陀佛有廣大願力。攝娑婆衆生而歸淨邦。是令反妄而證真也。所以諸佛共讚菩薩同遵。晉社創脩。千古之高風不墜。慈照集懺十方之正化。流通大矣哉。淨土之道。其爲體也。以彌陀卽本性。其爲宗也。以淨國卽唯心。其爲用也。以仁恕卽滅惡生善。此之三者。蓋顯三世報應制其事。一心空寂窮其理。俾達乎理者反其妄。信其事者遷乎善。以斯而利于上下。實助於周孔之教。贊翊皇化。其亦至矣。使一人能行是道。以訓于家。家以導于鄉。鄉以達於邦。以至於無窮。則天下之民。涵道泳德。融神實相。高步無何而極佛境界。豈止以爲善人君子而已哉。夫如是。則何患乎忠孝不脩。禮讓不著歟。以此觀之。豈非能仁之道。與仲尼之道共爲表裏。以訓于民耶。洎乎歷朝敬之。廣其教。像法事之。非其人。廣其教。則弊倖生。非其人。則淳朴泯。而乃以佛堂高大爲奢誇。聲利溫飽爲能事。徒以多爲貴。則壞其道者衆矣。言以怪爲美。則惑其聽者庶矣。遞相沿襲。以成鄙吝。日復一日。紅紫亂朱。使夫清淨仁恕之風。消蕩矣。於是蠶食

蠹耗之謗。由茲而盛焉。斯乃敬之事之者之失。非其教之咎也。今之人多不察其所由。視其徒之不肖者。而遷怒於善人教法焉。亦何異乎以丹朱而罪堯。因商均而過舜。服藥失度。歸咎於神農。縱火致焚。反怨於燧人也耶。愚乃不佞。學佛之道有年矣。既粗領其旨。而頗有扶傾之心。非敢私於已。而欲公於衆。以救其弊也。嘗謂教門之利害有四。一曰師授不明。邪法增熾。而喪其真。二曰戒法不行。綱常紊亂。而犯其禁。三曰教理未彰。謬談非義。而惑其衆。四曰行願不脩。迷入邪岐。而墮於魔。由是亂名改作。龔替後學。非止一端。可傷乎哉。自是叨濫之徒。一以傳十。十以傳百。百以千萬。流毒於海內。速若置郵。何以知其然。正說難行。邪風易染。此必然之理也。噫。祖道之不傳也久矣。欲人之無惑者難矣。吾雖不敏。而實悲焉。思欲分條析理。廣彼前聞。截僞續真。開茲後學。恨無慧辯。徒事管窺。由是齋沐一心。投誠三寶。詢求大教。參考玄文。楷定正宗。破諸異說。總成念佛正論。剖證佛祖格言。普告諸方。咸躋覺路。庶使聖教隱而復彰。衆生罪而還福。有客至而問之曰。脩行了自己生死。何須論他人之長短。予應之曰。理不然也。豈不聞如來出世。

無一法不是利生。菩薩脩行，肯纖毫而為自己。佛子示同外道，方便轉彼邪心。楞嚴十種魔民，皆因錯解。華嚴十類魔業，示其正歸。嗟惡慧之邪脩，自甘心於險道。遇斯境界，豈可緘言。念彼愚癡，寧容坐視。况世尊悲心付囑，留大願而普濟迷津。菩薩如教脩行，示同事而化令成佛。是其本行，夫復何疑。如其見迷路而不指正途，慈悲安在。觀沉溺而不思拯接，方便何存。隨順正法而破魔，是無上大智之業。調伏衆生而入道，是諸佛之所攝持。誓當捨命而立真宗，終不為已而忘佛。屬衆生盡而悲心益固，空界殞而我願無窮。倘逢有識之賢，必能助弘斯道。可謂將此深心奉塵刹，是則名為報佛恩。

西方彌陀說

佛說西方極樂世界，其土有佛，號曰彌陀。如經所載，有理有迹，論其理者，西方即自性也。此性無形無相，不變不壞，歷劫堅剛，譬彼精金。在易卦則曰兌為寂靜，故謂之西方也。金者其色明，金體白淨，舉之喻法性，蓋世間之人迷於塵境，妄念不息，紛然動作。在易卦則曰震，故謂之東方也。人能反妄歸真，復其本靜，得見自性，即名捨東方執着之穢土，登西域淨明之

金地也。在方無方。以法喻表其理體。華嚴合論。謂文殊自東方來者。蓋文殊是根本不動智也。東是萬物發生震動之首。初明之地。從此智則生信。故華嚴以信位爲初生。佛家丑寅之間爲清朝。智日初明。像文殊發起。凡夫入信見道。智明漸增。故巽爲風。爲教化。風能去穢。揀淨。辰巳之間。上應角宿。爲僧道。爲齋戒。爲衆善之門。喻進脩地位。至午爲中道。易卦曰。離爲南方。爲正。爲日。爲明麗。離中虛。故明像諸法空。則智日當陽。徧照天下。法華龍女南方成佛。是其義也。西南爲坤。爲地。爲安靜。爲柔順。爲母。爲生養。正西爲兌。金旺之地。日沒之所。火死在酉。爲肅寂。爲收藏。西北爲乾。爲天。爲父。爲金。爲剛健。北方爲坎。爲水。爲君。爲師。利生濟物。垂教正治。以水制火。以君對臣。臣明君正。又水多則濫。故東北爲艮。爲山。爲止。下方爲禪定。爲謙下。上方爲觀照。爲智慧。爲空界。如日月三光處。空照臨萬物也。經中不舉餘方。而單指西方者。蓋取淨對穢也。以悟攝迷也。以靜對動也。以果對因也。過十萬億國土者。出四維上下十方之限量也。超乎四惡道之十惡業也。越乎人天十善之境界也。不爲諸法之所拘也。有世界者。真如實際理地。卽自性西方。

蓮宗卷十
五
極樂者卽言此性無憂惱也。何以知其然。見性之人。不爲塵境惑。了知諸法空。心常坦然。無念無爲。無思無慮。安住大寂滅之地。念念常生智慧。法法皆如我。爲法王。於法自在。故名極樂也。論其迹。則實有此箇世界。佛叮嚀詳復言之。豈虛語哉。有者非方域處所之有。乃不有之有。卽是真空妙有也。真空者。卽是實相。妙有者。森羅眩目。法界交參。豈有東西之辯哉。圓覺經云。一切如來光嚴住持。是諸衆生清淨覺地。平等本際。圓滿十方。不二隨順。於不二境。現諸淨土。阿彌陀。是梵語。此云無量壽也。佛者覺也。卽當人分上。廣大圓覺之性。清淨法身之佛也。此性不生不滅。亘古亘今。上至諸佛菩薩。下至六道衆生。各各具此覺性。所以稱同名同號也。噫。世人昧之久矣。妄取色相。顛倒馳求。甘自沉淪。我佛應世。開方便門。讚說淨邦。令其信慕。苟能自肯自信。方悟堅明。爲西方盡西矣。惑火滅盡。土皆淨焉。則知十方世界。總是彌陀觸目。遇緣無非極樂。百千三昧。應念現前。無量法門。隨心顯發。高超徹見。是樓閣。含育利生。名宮殿。防非護善。名欄楯。清淨無染。是蓮華。徹底澄清。謂之池。隨方逐圓。謂之水。仁慈利濟。謂之寶。戒定慧薰。謂之香。七菩

蓮宗卷十
提樹覆蔭重重。八聖道路遊行坦坦。衆善莊嚴花簇
秀。萬德成就果周圓。化禽演於法音。風樹傳於道品。
到這般田地。更要保持涵養。直至命終。永無退失。脫
然而去。方爲了事。其或未然。切不可遺山認培。棄寶
拾薪。妄認色身。便爲究竟。信知生死事大。莫作等閑。
尋訪真知。決擇心要。確實念佛。求悟大乘。了見本性。
彌陀。直達唯心淨土。可謂雖然舊閣閑田地。一度羸
來方始休。

真如本性說

真如本性者。父母未生已前。一真無妄之體。謂之本
來面目。禪宗則曰正法眼藏。蓮宗則曰本性彌陀。孔
子則曰天理。太易則曰太極。名雖有異。其實同一真。
如本性也。此性虛而靈。寂而妙。與天地同根。萬物一
本。歷塵劫而不朽。世界壞而不遷。人不能任其自如。
之真。而梏於地水火風和合之質。方其受形也。已爲
陰血濁氣昏其本然清淨之體。及其生也。六塵五欲
之迷倒昧於本有之天真。是故佛說八萬四千法門。
皆是導人反妄而歸真也。其捷徑易行者。唯念佛一
門。脩之者。心不散亂。三昧現前。是復其本性也。今有
一等不究佛理之人。却將道門脩養法。冒濫蓮宗。妄

說氣是主人教人般精運氣勞其筋骨枉用身心甘
受苦辛終無所濟嘗觀道門張紫陽說精氣神者先
天地之元精元氣元神也元精非淫泆之精元氣非
呼吸之氣元神非念慮之神癡人不曉此意喚癡作
鍾眼既不明理亦不達矯誘他清信之士一向在臭
皮袋上造作昧却一真佛性妄言此是脩行可悲也
哉普告同脩切宜仔細究心念佛啓悟真源若也了
了自見法法現前是名見性成佛一念差錯天地懸
殊

辨真妄身心

夫身者有法身有色身傳曰智明真境盡法爲身故
曰法身父母緣生虛幻不實故曰色身心者有真心
有妄心真淨明妙虛徹靈通故曰真心隨境生滅忽
有忽無故曰妄心祖師勸脩念佛三昧者於自己真
心中流出一句阿彌陀佛念念觀照法法圓通是謂
都攝六根淨念相繼於一念中普現色身三昧今時
有一等人不知真妄錯認色身爲我身以妄念爲究
竟多是吐納按摩做模打樣希望成道不亦謬乎可
謂棄却真金而拾瓦礫也大凡學道要辨真僞故宗
鏡云脩道以心爲宗理須仔細究竟約有情界真妄

似分不可雷同有濫圓覺金鑽共熟真偽纔分沙米
同炊生熟有異三乘慕道見有差殊錯指妄心以爲
真實認妄賊爲真子劫盡家珍收魚目作驪珠空迷
智眼遂使愚癡之子陷有缺之重關邪險之人溺見
河之識浪戲熾焰於朽宅忘苦忘疲臥大夢於長宵
迷心迷性皆由執斯緣慮作自己身遺此真心任他
聲色斯則凡夫外道之失也或有法學禪宗執佛方
便致使撒開八網乘對四機越一念而遠驟三祇功
虛大劫離寶所而久淹化壘跡困長衢斯則迷循妄
心不得真心之失也心賦云性非造作理實鎔融
之者卽動而靜昧之者迷西作東任竭海移山未是
無爲之力縱躡虛履水皆爲有漏之通辨玉須真探
珠宜靜若向境外以求心焉知圓光而在青順法界
性合真如心此則頓入如來大慈悲海比之着相脩
皮袋者豈可同日而語矣

辨明三寶

教云十方薄伽梵圓滿修多羅大乘菩薩僧功德難
思議三寶者有三種一曰同體三寶謂真如之理自
性開覺名爲佛寶德用軌則自性正真名爲法寶動
無違諍自性清淨名爲僧寶二曰出世三寶謂法報

化身隨類應現。是爲佛寶。六度詮旨。四諦緣生。名爲法寶。十地菩薩。四向五果。名爲僧寶。三曰世間住持三寶。謂泥龕塑像。名爲佛寶。黃卷赤軸。名爲法寶。剃髮染衣。名爲僧寶。皈依者。感諸天護持。供養者。獲福田無量。今有邪愚不解。僞撰真宗妙義經。妄言精是佛寶。氣是法寶。神是僧寶。遞相傳習。致使入善門者。信其邪說。不敬三寶。實可憐憫。若夫不敬世間三寶。則自昧其心。自昧其心。則迷失本性。同體出世三寶。何所得哉。自瞶猶可。又瞶他人。可謂岐人天之正路。陪人天之眼目。毀因果之真教。澆定慧之淳風。無甚於此也。佛言一切衆生。若不皈依三寶。求劫墮三惡道。况我慈照集經成懺。使學者依大乘經。甚深妙義。從今身至佛身。爲法界衆生。皈依常住佛。皈依常住法。皈依常住僧。正信善人。旣已得聞。聞已誦禮。固當自敬自信。卽此敬信之心。端可近於佛道矣。凡見一切佛像。起如來想。見一切聖教。生難遭想。見一切比丘僧。起祖師想。禮拜供養。無得輕欺。以佛莊嚴而自莊嚴。如此則一體三寶。唯心備具矣。若也執於鄙見。昧其根本。妄信邪教。疑誤後人。自取沉淪。永溺惡趣。是誰之咎歟。

辨見聞覺知

古德云。在胎爲身。處世名人。在眼曰見。在耳曰聞。在鼻嗅香。在舌談論。在手執捉。在足運奔。徧現俱該沙界。收攝在一微塵。識者知是佛性。不識者喚作精魂。比來有等愚人。不知佛理。潛吾教中。專以傳受爲宗。妄說六門見性。指四大色身。以爲佛體。自立三十六關。七十二信。捏合恠事。誑惑善人。妄謂這邊肉動某人來。那裏疼痛。某事至。吉凶禍福。言是先知。愚者得聞。將謂佛法靈感。傾心諦信。布施供養。傳此邪言。切切記心。未嘗暫捨。殊不知一真佛性。清淨湛然。爲有妄身。乃有妄識。蓋覆本性。不見光明。一念心空。名爲悟道。故楞嚴云。知見立知。卽無明本。知見無見。斯則涅槃。是故祖師立教。但以念佛三昧。爲正宗。未嘗有毫髮許實法。繫綴於人。何期蚩蚩薄俗。迷宗昧旨。棄忠孝而不履。背仁義而不脩。假白蓮之名。行差別之法。貪求冥感。以竒恠惑人。則有邪魔魍魎。附人身體。撓亂正信。盡遭魔攝。可不悲哉。但凡脩淨業人。善察邪正。本分究心。確辦信誠。憶佛念佛。願生淨土。慎勿他求。智覺壽禪師云。莫摘枝苗。須搜祖禰。豁爾而無明頓開。湛然而情塵自洗。可謂直截根源。佛所印。摘

蓮宗卷十
葉尋枝我不能

破妄說災福

夫白蓮正法以本性彌陀爲體念佛信願爲宗自行化他爲用乃佛祖之格言後人之龜鑑凡曰音聲佛事點燭道場蓋是方便法門以之引權歸實耳比來學者迷失宗旨貪着事相不遵教典向外妄爲心眼不明競稱師長實法門中一弊事也或搜鬼竅有若師巫或稱彌勒下生或言諸天附體或向燭光上見神見鬼或在香烟上斷吉斷凶瞞昧三光欺賢罔聖誑諱閻閻邀求利養及乎問他平實行願杜口無言本性彌陀罔知下落熱亂一生盡是虛誑誤人自誤堪可悲哉故楞嚴經云善男子心愛懸應爾時天魔候得其便飛精附人口說經法訐露人事不避譏嫌口中好說未然禍福及至其時毫髮無失是人愚迷惑爲菩薩親近供養破佛律儀潛行貪欲此名歷劫精魅大力鬼神年老成魔惱亂是人不覺魔着謂言證聖厭足心生去彼人體師及弟子俱陷王難汝當先覺不入輪迴迷惑不知墮無間獄嗟乎初心善人不知真僞信彼邪說不務存心積德妄想求福見之謬焉吾聞積善之家必有餘慶積不善之家必有餘

殃故知吉凶禍福繫乎人心。烏可諂求富貴而苟免禍害哉。未明壽禪師云。惡從心起。如鍊孕垢而自毀鍊形。善逐情生。如珠現光而還照珠體。故吾勸諸善人。舉心用事。必擇道而行之。擇禮而從之。擇友而交之。擇里而處之。擇師而事之。兢兢焉而存心。戰戰焉而守節。念佛不昧。無失於順天之道。以奉西方之教。而其觀燭談禍福不與焉。

辨明空見

空者。破諸有也。大覺世尊開示正法。欲令一切人。識知世間萬法皆空。自悟本性之真空也。真空者。是如來之法界。衆生之本心。空而不空。有而非有。悟之者。於不有中。運出自家寶藏。探之無窮。用之無盡。謂之一乘妙道。非頑空之空也。今有一等愚人。一向說空。撥無因果。步步行有。口口言無。便道飲酒食肉。不礙菩提。行盜行淫。無妨般若。縱橫放曠。馳逞顛狂。謗佛謗經。輕毀一切。胡揮亂統。以當宗乘。欺侮聖賢。自稱得道。如此者。滔滔皆是也。永嘉所謂豁達空。撥因果。莽莽蕩蕩。招殃禍。非斯類而何耶。又楞嚴經云。心若着空。則有大力。空魔入其心腑。其人不知。是其魔着。口說經法。潛行貪欲。輕毀經像。惑亂是人。盡遭邪墜。

蓮宗卷十
魔心生厭。去彼人體師及弟子。俱陷王難。命終自爲
魔家眷屬。受魔荼毒。墮無間獄。嗟乎。去聖遠。微言絕。
異端起。大義乖。不肴於有。則蕩於空。肴於有。則執名
相。滯有爲。固物我。泥怨親。縛於近教。喪於遠理。蕩於
空者。則迷因果。混善惡。棄戒律。背禮義。蓋不知中道
之爲至善也。或曰。何謂中道。曰。有亦不肴。無亦不空。
空不離有。有不離空。怨親等焉。物我齊焉。因果明焉。
善惡分焉。戒律用焉。禮義脩焉。近教通焉。遠理至焉。
大矣哉。中道也。妙萬物之名乎。稱本性之謂乎。苟達
斯理。則不墮於偏。是謂得正。受念佛三昧者矣。

辨一合相

金剛經云。如來說一合相者。卽非一合相。是名一合
相。良由世人一性昏迷。與塵境相合。卽非一合相。智
者明見自己真心。背塵合覺。一念覺心。與十方諸佛
真空法界相合。卽是一合相理也。永嘉云。我性同共。
如來合。但凡夫不悟此理。貪肴事相。妄自堅執。情心
意識。與山河大地。墻壁瓦礫相合。昧却理性之真空。
卽非也。六祖云。心有所得。卽非一合相。心無所得。卽
是一合相。是也。今有愚人。不識佛法。坐吾教中。妄說
夫婦是一合相者。誤矣。蓋其情生智隔。想變體殊。業

累殃深。背因昧果。曲解聖典。毀辱教門。淨業正宗。豈
容是說。真實脩行之士。切宜堅秉正信。專念彌陀。於
一念中。不取於相。內心外境。了了一如。自然冥符真
理是也。故佛果勤禪師示衆云。汝等諸人。但向十二
時中。上不見有諸佛。下不見有衆生。外不見有山河
大地。內不見有見聞覺知。好惡長短。打成一片。一一
拈出。更無異見。此則一合相理。歷然明矣。可謂日可
冷。月可熱。衆魔不能壞。真說實履。道之通衢。乃悟宗
之正訣。

辨明雙脩

雙脩者。脩福脩慧也。教云。脩福不脩慧。象身掛纓絡。
脩慧不脩福。羅漢應供薄。福慧二莊嚴。乃能成正覺。
古德云。福不得不作。慧不得不學。龍舒云。脩淨土者。
雖專以念佛爲行門。亦須福慧兼脩。庶得事理兩融
也。內則脩慧。究竟涵養。深徹淵源。使慧性增廣。含虛
空界。無所不知。無不照了。外則脩福。慈悲方便。柔和
善順。利濟世間。見一切人。平等恭敬。隨機說法。教化
衆生。行一切善。此是福慧雙脩也。今有一等愚人。常
行異教。詐稱蓮宗弟子。妄指雙脩。潛通淫穢。造地獄
業。迷誤善人。沉迷欲樂。甘墮險坑。豈不謬乎。是真狐

道宗卷十
十一
魅妖精何異畜生類也。楞嚴云。若諸衆生其心不婬。則不隨其生死。汝脩三昧。本出塵勞。婬心不除。塵不可出。縱有多智。必落魔道。上品魔王。中品魔民。下品魔女。諸脩行人。先斷婬心。是名如來。先佛世尊。第一決定清淨明誨。若不斷婬。脩菩提者。如蒸砂石。欲其成飯。經百千劫。終不名飯。汝以婬身求佛妙果。縱得妙悟。皆是婬根。根本成婬。輪轉三塗。終不能出。如來涅槃。何路脩證。必使婬機。身心俱斷。斷性亦無。於佛菩提。斯可希冀。如我說者。名爲佛說。不如此說。卽波旬說。今勸在家菩薩。依戒脩行。勿犯邪非。清心寡欲。雙脩福慧。回向西方。龍舒云。脩福又脩慧。深信念阿彌。當生上上品。決定更無疑。其或不然。欲飯蒸砂。徒費力。擔柴入火。定殃身。

辨明三車

法華經譬喻品云。若有衆生。從佛世尊。聞法信受。殷勤精進。求一切智。佛智自然。智無師智。如彼諸子。爲求牛車。出於火宅。故知衆生。喻諸子。三界喻火宅。三乘喻三車。如來見衆生。在三界中。不得出離。說三乘法。引令離苦。譬如諸子在火宅中。嬉戲。長者以三車引之。令出也。有等愚人。假說文殊。問佛。妄稱性是牛。

車心是羊車。意是鹿車。又云牛車載妙法。羊車載蓮花。鹿車載經。所謂醍醐上味。爲世所珍。遇斯人等。翻成毒藥。夫法華經者。諸法之王。佛所護念。其可妄議哉。何期邪師謬見。以非爲是。以是爲非。法說非法。非法說法。誑於人。謗於佛。毀於法。豈非負五逆之大罪乎。經云。若有誹謗。是經典者。當知是人入阿鼻獄。具足一劫。劫盡更生。如是展轉。至無數劫。從地獄出。當墮畜生。謗斯經故。獲罪如是。細思此等。哀哉。切心。敢以忠言。痛告道友。於自己心中。開示悟入佛之知見。則此心清淨。如蓮華開。是謂之法華三昧。悟斯理者。是乘白牛車。出三界火宅也。又不見法達禪師見木祖。大師呈偈云。誦經三千部。曹溪一句亡。未明出世旨。寧歇累生狂。羊鹿牛權設。初中後善敷。誰知火宅內。元是法中王。於是曹溪木祖大師。乃說偈證之云。心迷法華轉。心悟轉法華。誦義不明已。與義作讐家。無念念卽正。有念念成邪。若能如是解。長駕白牛車。是也。若有執迷不省。自取沉淪者。吾未如之何也。已矣。

辨明三關

三關者。兜率悅禪師示衆語。一云。撥草參玄。只圖見

性只今上人性在甚處。二云識得本性要脫生死。生死到來作麼生脫。三云脫得生死要知去處。四大分離向甚處去。是故透此關者則奚拘生死。徹此道者豈礙去來。自是天下叢林宿師大衲靡不洞究淵源。故能脫白露淨。其旨曉然。決無異說。今有愚人妄指人身三丹田作內三關。教人般運氣血。謂之透過三關。又說自足至腰三處疼痛爲外三關。妄以此處要定。臨終時節世多傳習。盡入邪路。詳觀念佛之教。乃簡徑法門。祇令脩行人於十二時中持一句阿彌陀佛。思專想寂。更能回光自看。阿那箇是我本性。彌陀四大分離向甚處去。常有此疑。驀然識得便知落處。卽此是直捷省力底脩行正道。捨此之外稍涉一毫異說。卽墮在邪見林矣。嗚呼癡人背真向僞。良可憫焉。若也於斯信得。截斷路布葛籐。豁開透地通天眼。覷破邪思妄想心。

辨明大小二乘

原夫大法王之垂化也。統攝群品。各有司存。小律比禮刑之權。大乘類鈞衡之任。營福如司於漕輓。製撰若掌於王言。在國家之百吏咸脩。類吾教之群宗競演。果明此旨。豈執異端。應須量已才能。隨力演布。達

則無濟爲善窮則專門是宜雖各播於宗猷而皆處
於慈濟同歸和合之海共坐解脫之味夫如是則迷
途之司南教門之木鐸也奈何源遠流別大道澆漓
好朱者憎其素愛甘者惡其辛未契圓宗各權所據
又豈知生佛本一凡聖性均而不能自復者由迷昧
於身心致籠檻於生死是知身之過惡非戒律不能
檢心之昏散非定慧不能融檢之融之尚慮乎道之
不明性之不復况埋沒於邪岐而互相是非也耶或
云我學小乘却又不識戒施禮誦是漸脩之法或言
我學上乘却又不識本性彌陀唯心淨土之旨不著
於事相又墮於頑空大似深村草裏生盲之人坐在一
隅不知東西南北妄生分別是是非非非非是是
所謂執着死蛇頭錯路脩行者穢惡則無所間然
於行解不見可畏以至積習成性自滅其身始學慕
於上賢終見沉於下惡如斯之輩誠可哀哉未明壽
禪師云譬如庭雀焉攀鴻鵠之心還似井蛙豈測滄
溟之闊或徇他求如鑽冰而覓火但歸已解猶向乳
而生酥慎勿立我慢幢張邪見網輕侮先覺熒惑後
人至哉斯言也昭昭乎天日在上蕩蕩乎佛祖有靈
奉教之者可不懼乎但能信念彌陀可以免斯過咎

矣

辨明不生不滅

般若心經云。是諸法空相。不生不滅。不垢不淨。不增不減。是故空中無色。無受想行識等。又維摩經云。不善不生。善法不滅。故知色相有去有來。佛性不生不滅。今有愚人。妄以不產後嗣爲不生。不斷欲心爲不滅。駭世怪言。惑人妖祟。密互邪媯。作不淨行。斷佛種子。悖亂人倫。故楞嚴云。善男子。愛極發狂。熾然貪欲。則有欲魔入其心腑。一向說欲爲菩提道。化諸白衣平等行欲。疑誤衆生。入無間獄。蓋以愚迷不知觸淨。不覺遭魔。以致斯苦。諦觀天地肇分。有陰陽而有男女。有男女而有夫婦。有夫婦則有父子。有父子則有君臣。有君臣則有三綱五常之道。三綱統其人倫。五常正其教化。此聖人立世間之法也。吾祖遠公有云。在家者厚身存生。我倒未忘。以情欲爲苑囿。以聲色爲遊觀。耽酒世樂。不能特出。吾佛示化。令返本以求宗。在家奉法。則是順化之民。不遺奉親敬君之禮。是故先導之五戒。不殺存乎仁。不盜存乎義。不淫存乎禮。不妄存乎信。不酒存乎智。身心既律。然後示之以出世之法。令脩念佛三昧。以爲西方之歸。達乎不生

不滅之道。是以王臣外護。法流天下。千載猶一日也。其奈當斯之際。薰蕕共囿。菽麥同畦。未易分也。敢以衷赤之忱。普告信士。但除却一心不亂。繫念彌陀之外。凡所有相。皆是邪解。切須仔細。真實脩行。善則從之。惡則遠之。邪則遣之。正則守之。若乃立身行道之事。息心達本之旨。前篇備述。明有典刑。不爲不多矣。遵而行之。則吾門眷屬。違而作者。魔之黨類。所以生遭王法。死墮阿鼻。殃及累世。莫言不道。何故。聲欲得不招。無間業。莫謗如來正法輪。

辨明曹溪路

昔未嘉大師。往曹溪禮拜六祖印證心地。迷證道歌云。自從認得曹溪路。了知生死不相干。是故天下禪宗。出乎曹溪之源。目曰曹溪路也。何期愚人。妄指人身有夾脊雙關。作曹溪一派。又妄說六祖云。寧度白衣。千千萬萬。不度空門半箇僧。如斯之輩。非特惑於後人。是亦誣於先聖。豈不聞未嘉云。第一迦葉首傳燈。二十八代西天記。入此土菩提達磨爲初祖。六代傳衣天下。聞後人得道無窮數。又豈有度白衣而不度空門乎。於戲邪妄之徒。不知來歷。竊祖師之名。同魍魎妖孽。見解迷誤。善人正是一盲引衆盲。相牽入火。

坑也。吾知祖宗實德，是以稱而傳之。吾知闡提薄福，
謗辱吾宗，是以恐而懼之。吾尚知而大懼，汝謗聖師
之道，誑後學之人，安得不益懼於吾乎。汝速宜磨滅，
改而正之，無貽我羞之爲愈也。

辨佛法隱藏

佛法者，出世間之道，無爲之法也。涅槃經云：如來開
發顯露清淨無翳迷者不解，謂是秘藏。智者了達，卽
不名藏。有等愚人，妄說官法堂堂，佛法隱藏，僞撰一
落索邪言，閉門傳度，謂之生死奧典，幻惑後人。至死
不與人說，逗到臨時，一場漏逗，大似貧兒得錫，喚作
黃金，明眼人前，如何拈出，自不知非。反誇能會，正是
瞞人更自瞞也。豈知佛說一切法爲度一切心，蓋以
衆生心體本來是一，用處不同，故說一切法也。祖師
云：瓶盤釵釧本是一金，名相不同，至體無二。嗟乎末
運法出，奸生徃徃失其本體者多。是將新羅漆、高麗
鍮間貨，錯出巧言令色，瞞昧世人。一僞旣行，百真莫
辨。况愛小利者，上人鋪席，不揀好惡，苟圖價廉好看，
易得等閑，被他將一團灰炭，塞却眼孔，拖向黑地裏，
脫換去了。及至眼開，握着黃土也認不得。又何金鍮
真僞之辨哉。癡人但得入手，貴乎密密珍藏，以爲奇

貨。生怕人知。驀然撞着識者。爲伊點破。始知分文不直。如斯之類。比比皆是。只爲愚暗福薄。眼裏無筋。麤心鹵莽。兼以不遇真正師匠。以致然也。殊不知繞指精金。從本來有。自非作家陶鎔。痛下鉗鎚。煅煉一回。轉見性柔。金瑩燦然一塊。觀體全真。然後隨意作用。造成衆器。飛光散彩。耀人心目。未無變色者。固知自餘皆不足言矣。可不至寶哉。正信道流。切宜着眼。

辨明超日月光

大彌陀經云。阿彌陀佛。光明極大。而爲諸佛光明之王。故號無量光佛。無邊光佛。無礙光佛。無對光佛。光炎王光佛。清淨光佛。歡喜光佛。智慧光佛。不斷光佛。難思光佛。無稱光佛。超日月光佛。其光明所以照無央數天下幽冥之處。皆常大明。諸天人民禽獸。螭飛蠕動。見此光明。莫不喜悅。而生慈心。悉得解脫。是故十方諸佛菩薩。緣覺聲聞。悉皆稱讚。因名曰超日月光佛。蓋以日能照晝。月能夜明。其德不全。佛之光明。晝夜長照。無虧無欠。故名超日月光也。今有一等愚人。妄指教人。於日月初出之時。以口吸採其光。吞嚥入腹。欲其成寶。以當脩行秘法。謂之超日月光者。其錯大矣。譬如癡猿。聯背攀樹。懸崖下捉水月。勞心費

力到底成空。若是智人達觀。速須捨離。早求正法。免墮迷津。專念彌陀。究明心地。不見祖師道從門入者。不是家珍。自己靈光照天礫地。人人分上。本自圓成。一點靈源。無內無外。頭頭上顯。物物上明。若能悟此。卽如來一段光明。超日月。

辨明髻中珠

髻中珠者。法華經云。如轉輪王得法國土。王於三界而諸小王不肯順伏。時轉輪王起種種兵而往討伐。戰有功者。賞賜諸物。獨王頂上有此一珠而不與之。末後付與如來。亦復如是。見賢聖軍與五陰魔煩惱。

魔死魔共戰滅三毒。出三界破魔網。爾時如來亦大歡喜。爲說諸法而不爲說。是法華經。今乃說之。如轉輪王久護明珠。末後賜與此蓋。世尊最後說是大乘法寶。超出諸聖之上。以輪王髻珠爲喻。此珠者卽諸佛之圓智。乃衆生之理性。悟之則三祇頓越。迷之則六道沉淪。今有一等愚人。錯會經旨。妄以運氣入頂。作髻中珠。謂之最上乘法。密密相傳。教人般精運氣。衝入頭頂。要學世尊頂上有肉髻珠。何其愚哉。殊不知世尊肉髻乃無見頂相。表一乘大法也。無見者自不能見。離自見故。向上極則諸聖皆不得見。離他見。

蓮宗卷十
二五
故壽禪師心賦云。高高法座。非聲聞陞短之能升。赫赫日輪。豈外道嬰兒之所見。無偏無黨。至極至尊。嗟乎愚癡之人。罔知正法。顛倒錯亂。嫁禍移殃於後人。賺他向善俗子。墮落深坑。可痛惜哉。奉勸信士。細參本教。恪心念佛。悔悟前非。了知諸法本無。髻珠自然顯現。堂堂獨露。豈假他求哉。

辨明無漏果

法華經云。諸漏已盡。無復煩惱。此乃羅漢聲聞脩行。至習漏俱無也。無漏者。蓋人之六根。常爲色聲香味觸法六塵所惑。心隨境轉。成有漏緣。所以輪迴不息。脩行人六根自淨。不被六塵所轉。卽無漏也。今有一等愚人。妄將眼眇鼻涕。盡皆喫了。謂之脩無漏者。何蠢乎哉。余嘗憫而問之曰。六根四大。膿血之袋。屎尿之囊。眇淚涕唾。皆屬不淨。何得取而食之。彼則曰。人身之中。有七寶不可棄之。善收拾者。結成舍利。證無漏也。苦哉苦哉。如斯顛倒。誠可忍耶。更有一等衆生。以秘精是無漏者。混吾教中。遞相傳習。潛饕貪欲。壞亂正法。此是妖精鬼恠。夜聚曉散。喫菜事魔之徒。非是蓮宗之弟子。比年以來。多有此樣。扇動人家。清信男女。不覺不知。鼓入魔道。故楞嚴經云。善男子。心愛

根本窮覽物化。天魔得便飛精附人。說佛涅槃。卽是現前肉身。父子子。遞代相生。常住不絕。無別淨居。愚人信受。亡失本心。惑爲菩薩。常說眼耳鼻舌皆爲淨土。男女二根。卽是菩提。或食屎尿。廣行媾穢。彼無知者。信是穢言。易入邪悟。此名蠱毒惡鬼惱亂。是人師及弟子。俱陷王難。汝當先覺。不入輪迴。迷惑不知。墮無間獄。受得地獄業消。復入畜生餓鬼。今觀邪師妄作之徒。假吾佛祖之教門。造不淨之惡業。逆二儀背三光。謗佛祖。亂人倫。碌碌如蟻蛆之逐穢。現受衆苦。沒後沉淪。是罪果何逃哉。宜乎不足恠也。非惟死後受報。抑且官法不容。語云。道之以政。齊之以刑。民免而無耻。道之以德。齊之以禮。有耻且格。誠哉是言。今勸善流。諦觀聖訓。宜自知耻。勿憚改過。稍情絕慮。正已脩行。有能古教照心。則其心自明。古鏡照精。則其精自形。若專於淨行。趣於菩提。決無誤矣。其或不然。三塗業海。無邊際。千佛出來。難救伊。

辨明趙州茶

昔趙州和尚見僧問曰。汝曾到此否。僧云曾到。州云。喫茶去。又問僧云。曾到此否。僧云不曾到。州云。喫茶去。院主問曾到。且從不曾到。如何也。喫茶去。州乃喚

院王。王應諾。州云也。喫茶去。叢林因此有趙州茶話。公案。今愚人不明祖師大意。妄自造作。將口內津唾。灌漱三十六次。嚥之。謂之喫趙州茶。或有臨終。妄指教人用硃砂末茶點一盞。喫了。便能死去。是會趙州機關。更可憐憫者。有等魔子。以小便作趙州茶。何愚惑哉。非妖恠而何耶。真正脩心者。但依本分念佛。期生淨邦。切不可妄將祖師公案。杜撰穿鑿。是謗大般若之罪人。也不見道。乍可粉身千萬劫。莫將佛法亂傳揚。

辨明教外別傳

圓悟勤禪師云。西方大聖人。出迦維羅國。作無邊量妙用。啓迪群靈。其方便順逆。開遮餘言。遺典盈溢。寶藏以至下梢。始露一機。謂之教外別傳。迦葉破顏。承當以來的的。綿綿直指人心。見性成佛。不立階梯。不生知見。利根上智。向無明窟子裏。瞥地煩惱根株中。活脫應時超證。得人解脫。西天四七。東土二三。皆龍象蹴踏。師勝資強。格外領略。當下業障冰消。直截承荷。自能管帶。打作一片。頓契佛地。尚不肯向死水裏浸却。唱出透玄妙句。超越佛祖。剗斷路布葛藤。如按太阿。凜凜神威。阿誰敢近。作家漢。確實論量。纔有向

上向下。談玄說妙。作用纖毫。即便叱之。謂不是種草。直下十成。煨煉得熟。履踐得實。始略放過。猶恐他時異日。落草累人。瞎却正眼。嗟見一等拍盲野狐種族。自不曾夢見祖師。妄言達磨歸空。謂之傳法救迷情。以至借他從上最大宗師。馬祖趙州名目。脫賺後人。及誇初祖隻履西歸。普化空棺。皆謂此術有驗。謂之形神俱妙。生死秘法。遞相傳習。而人皆厚愛此者。生怕臘月三十日。悵惶競學歸程之法。除夜拜影喚主人。公真是誑諤。問閻捏偽造窠。貽高人嗤笑。又有一種假托達磨胎息。趙州十二時別歌。龐居士轉河車頌。遞互指授。密付傳持。希望生天。更要預知死日。殊不知此真妄想邪心。愛見本是善因。反招惡果。多見豪傑之士。高談濶論者。不知宗因。徃徃信之。那知失却故步。畫虎成狸。遭明眼人覷破。默觀憐憫。豈諸佛與列祖體裁止如是耶。曾不自回照。始末居然可知矣。海內學此者。如麻似粟。習以成風。恬不知怪。其高識遠見。自不因循。恐乍發意。未入閻奧。立志雖專。跋涉雖遠。遇增上慢。導入邪見。稠林木上一錯。求沒回轉。其流浸廣。莫之能遏。因出此語。以痛告之。庶有志願於大解脫。大總持者。可以辨之。而同入大薩婆若。

海汎慈舟接濟群品。俾正真妙道流於無窮。豈不快哉。

辨關閉諸惡趣門開示涅槃正路

諸惡趣門者。乃身口意三業也。所謂身殺盜婬。口妄言綺語。惡口兩舌。意貪嗔癡。脩淨業人。正心向道。截斷已上十不善行。則不入惡道。謂之關閉諸惡趣門也。開示者。指出也。涅槃者。不生不滅也。正者不偏路。卽西方之道也。今有愚人。指口爲諸惡門。鼻爲涅槃路。教人臨終時。緊閉其口。令氣從鼻出。謂之出門一步。又妄將因字。以爲公案。教人口裏着力。忍了氣透這一關。或云因字四圍是酒色財氣。或言地水火風。或言生老病死等。皆是卜度妄計曲說。嗟乎。這一箇因字。瞞盡多少人。殊不知此字玉篇明載。戶卧切。卽阿字去聲呼也。此箇因字。一切世人口中未嘗不說。喻如失物。人忽然尋見。不覺發此一聲。是因字也。宗門多言此字者。蓋尋師訪道之人。參究三十年。忽然心花發現。會得此事。不覺因地一聲。如失物得見。慶快平生。是其字義也。如是則念佛之人。但於念念中。仔細究覺本性彌陀。忽然親悟親見。真實到因地一聲處。自然明徹矣。故智覺壽禪師云。心外求法。望石

女而生兒。意上起思。邀空花而結果。本非有作。性自無爲。智者莫能運其意。像者何以狀其儀。言語道亡。是得路指歸之日。心行處滅。當放身捨命之時。可謂唯此一事實。餘二卽非真。

辨明四生

大珠慧海禪師云。九類衆生。一心具足。隨造隨成。無明暗蔽爲卵生。煩惱包裹爲胎生。愛水浸潤爲濕生。歛起妄念爲化生。悟卽成佛。迷號衆生。菩薩只以一念心爲衆生。若了心體空寂。名爲度衆生也。智者於自本際上。度於未形。未形旣空。卽知實無衆生得滅。度者有等愚人。不識自心。胡卜亂度。妄說臨終之時。眼見轎馬樓臺。幡蓋鏡鉢之類。爲四生六道胎窠。不隨他去者。脫四生也。殊不知臨終現境。是你平時所作善惡業相。神識自現。卽非外來。故先德云。作惡而惡境現前。念佛而佛界自至。若是時中。把捉不住。做不得主。常被妄想顛倒所使。臨當風火散壞之時。如落湯螃蟹相似。又焉能作主宰耶。是以圭峯禪師云。作有義事。是惺悟心。作無義事。是狂亂心。狂亂隨情念。臨終被業牽。惺悟不由情。臨終能轉業。今以此語直告諸人。當自念言。我今脩行淨業。本爲生死佛祖。

垂教豈欺我哉。當依正法。真實存心。專念彌陀。捨諸
虛妄。朝思夕想。念念願生西方。如此則塵勞業識。當
下瓦解。冰消。反觀自己。生死尚不可得。又喚甚麼作
衆生乎。故懺云。於一念中。得念佛三昧。普度十方六
道一切衆生。各各出離苦輪。同生淨土者。是也可謂
妄心無處。卽菩提。生死涅槃。本平等。

破妄立十號

西方文云。念佛之人。於相好光明之中。得見阿彌陀
佛。則無明頓破。煩惱未忘。法界之門。忽然通達。一乘
之路。卓爾開明。十號俱彰。三身圓顯。此明脩行人得

證佛果。十號俱彰也。十者菩薩善戒經云。一曰如來

無虛妄故二曰應供。良福田故三曰正徧知。知法界故四曰明行足。

天眼盡五曰善逝。不求還故六曰世間解。無

上士。知二世間故七曰調御丈夫。能調伏衆生惡故

八曰天人師。爲衆生作眼目故九曰佛。知善不善法。聚非聚非

曰世尊。無二佛之中何期愚人。不知佛法。妄立十號。歸

程。稱爲達磨大師。傳來生死秘法。却云鵲巢灌頂。蘆

芽穿膝。玉柱。麓視。蛇入視襠。波斯獻寶。天鼓不鳴。蓮

花池乾。二祖斷臂。立雪齊腰。神光不現。以此十件。謂

之大事。因緣。往往蓮宗。被此等盲師。瞎漢。遞相傳授。

賺人性命。從冥入冥。陷於非道。何不思之甚也。達磨
大師。初至此土。不立文字。直指人心。見性成佛。又安
得有一法傳授乎。豈不聞五祖弘忍大師。謂六祖曰。
佛卽以心傳心。法卽以心印心。佛佛惟傳本體。師師
密付本心。是也。莊子云。使道之可傳人。莫不傳之子
孫。道之可獻人。莫不獻之君親。其不可傳獻者。無他。
中無主。而外無其證也。又嘗聞我佛釋迦世尊。千生
煉行。百劫脩心。迺從兜率降跡王宮。棄萬乘榮貴。向
雪山脩行。食麻食麥。苦行六年。覩見明星。悟道成佛。
人中聖中。稱爲大覺。十號具足。作天人師。至於鵲巢
頂上。蘆芽穿膝之類。皆當年實事。初無表法。止是端
坐不動。定久忘形之意。後之學者。不近智達。不體我
佛。建立教門。大不容易。纔得入他門戶。行願不習。識
見俱無。便要爲師傳度弟子。做大模樣。逞我能會。撞
入邪魔黨類中。學他許多邪法。雜毒入心。如落水鬼
相似。黑地裏拖人入地獄去。苦哉苦哉。且如二祖斷
臂立雪。齊腰的。是當時爲法忘軀。猛烈之志。本傳備
載。分明學者。自當詳究。豈可妄爲。甘受謗法之罪。永
沉苦海之誅。永嘉云。非不非。是不是。差之毫釐。失千
里。是則龍女頓成佛。非則善星生陷墜。信麼。盡情掃

蕩閑家具。鐵樹花開。別有春。

誓願流通

切惟最初一念。元從淨土中來。汨沒多生。未脫娑婆世界。幸逢蓮社。得遇正宗。仰藉三寶。餘麻感沐。導師化育。伏爲教門之下。多有錯路。脩行。嗟信心盡。作魔民。致良善俱遭邪墜。正因泯絕。慧命難存。反招謗法。深憊。豈有誦持功德。覩斯境界。以長吁。痛切身心。而不忍。是乃搜大藏之要旨。用證本宗。掃百家之是非。開明大道。並是依經辨理。顯正摧邪。照了無私。故名寶鑑。俾夫後學。照心目。而妍醜自知。導彼迷途。達家

鄉而免諸流浪。是集既就。鄙志當陳。百拜祖庭。重申大誓。告白十方。諸佛諸大祖師。望賜慈光。證明祈禱。普度敬自發心立願。照依所集蓮宗寶鑒篇字數。一字三禮。每一禮念楞嚴咒心一遍。三稱南無觀世音菩薩尊號。望悲心而憐憫。賜法力以冥加。俾魔外以皈依。冀真乘之流布。與彼盲瞶。開明目於諸病苦。作良醫。昏衢黑暗之中。爲燈。爲燭。苦海洪波之內。爲舟。爲航。危險處。作大橋梁。迷路中。示其正道。普爲十方蓮社諸上善人。同期懺滌於身心。各願消除於業障。非法說法之咎。法說非法之憊。智能滅萬年愚。一


燈能破千年暗。妄意消而空花滅。正信生而淨行彰。
信禮彌陀。普同回向。與諸大衆。並從今日。發菩提。盡
於未來。永劫常行。菩薩道。離非梵行。遠邪見師。願盡
此報身。同生安養國。常脩六念。及六波羅。廣運四心。
與四弘誓。發四十八願。如阿彌陀。得念佛三昧。如大
勢至。脩普賢之行願。等觀音之慈悲。學大智慧。如文
殊。次登補處。如彌勒。頓入法界。圓證上乘。分身遍至
於十方。大悲普度於一切。建法幢。立宗旨。耀慧日。除
癡冥。諸魔外道。盡歸降。匝地普天。皆嚮化。辯才無礙。
廣利塵沙。威德無邊。拯濟含識。父母師長。俱登解脫。

之門。累劫怨親。盡出沉淪之海。伏望觀是集者。起護
法心。蕩歷劫之迷情。破千重之疑網。頓豁正眼。明悟
本心。淨土道場。不動足到。西方大聖。如對目前。萬法
了然。妙在茲也。惟冀天龍歡喜。聞正法以護持。凡聖
皈依。掃邪風而絕迹。弘揚祖道。廣播宗風。融大千同
爲清泰之邦。俾四海共樂無爲之化。正見邪見。盡入
無生

皇恩

佛恩一時等報。虛空界盡。衆生界盡。衆生業盡。衆生
煩惱盡。我願乃盡。而虛空界乃至衆生業煩惱不可

蓮宗寶鑑卷第十
盡故我此願王無有窮盡念念相續無有間斷身語
意業無有疲厭普賢菩薩發願如是諸大祖師發願
亦如是我今發願亦如是普為蓮社大衆發願亦如
是盡未來際一切情與無情發願亦如是如是如是
無不如是願同如是恒沙衆盡入如來願海中



蓮宗寶鑑卷第十終

